



# Яргну бунтсса оьрмулул ххуллу

Вай гьантрай 90 шинал юбилей кичи лаглай ур навтлил ва газрал отраслилуви биялсса опыт ва куртлсса килшивуртту дусса, ВчЯрусса шиннардий Дагъустаннал «Дагбургеотермия» управлениялул хьунаманал кьуллугьрай зий ивкссса ХИажинал арс АхИмад Кьадиров.

10  
лаж.



# ЧЯЛЧИ

№1  
(2267)

10 ЯНВАРЬ 2025 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкссар 1917 ш.  
Цунил итабакьлан бивкссар 1991 ш.

## Цусса шинацгунсса оьрчал хияллу бартбивгьунни



«Хиялал елкалия» бучан бартбивгьунни ДР-лул бакичи Сергей Меликовлул. Ванал цал Москвавил бартбивгьунни Шалагу Аьрасатнал «Хиялал елкалиясса» б оьрчал хияллу. Вайннавух бур Запорожскалла областгьарясса 7 шинавусса Кристина Пучковагу.

Яла Сергей Меликовлул МахIачкьалалив бартбивгьунни б оьрчал мурадугу. Миннавух Дунияллул халкьуннал дянивсса «Филантроп» премиялул лауреат, «Шаг навстречу» ва «Ангел и я» тIисса Дунияллул халкьуннал творчестволул фестивальданий ххув хьумур, «Имена России» тIисса Дунияллул халкьуннал дянивсса фестивальданул 1-мур даражалул лауреат Ирада Хановалссагу. Ванин республикалул бакичинал дуллунни акустикалул система – музыкалул колон-



ка ва микрофон.

Ххунзахиял райондалиясса 7 шинавусса Залму Индухован дуллунни смарт-ссят. Ванил ххассал увссар микIиралу ливчIсса оьрчI.

Бахшиш дуллунни микIирала ххассал увсса Пирбудагь Жамалуттиновлунгу. Ванангу, хасьсса дьявилул операциялул гьуртгучинал арс Касал Салиховлунгу дуллунни аькьлу бусса колонка «Алиса».

Сергей Меликовлул бартбивгьунни б шинавусса ХIамза Аьлиевлул мурадугу. Ванал хиял бия шведская стенка. Му бучан бантгий бур ваначан шаппай.

Дузрайн бивккунни Даниял Дандамаевлул мурадугу – ва шивкIунни цанна дуллусса велосипедрай.

Цусса шин дучан цаппа-Цра гьантри ливчIсса кьини,

Дагъустаннал ХIукуматрал председатель Аьбдулмуслим Аьбдулмуслимов гьуртту хьунни «Хиялал елкалий».

Премьер-министрнал ХIукуматрал кьатраву бацIан бунтсса елкалия ливккунни оьрчал мурадирташалсса 3 шар.

Дарбанглиясса 3 шинавусса Мадинал бутгал жан дуллуссар хасьсса аьралий операциялий. Душнин ччай бур ссайгьат-сюрприз.

МахIачкьалалиясса 5 шинавусса Кавсаратлун ччай бия ичIаллил спортрал комплекс ласун. Цанасса ппурттуву душнил кулпат арцул кIюлану бур.

МахIачкьалалиясса 11 шинавусса Вагьаб ур инвалид. Цусса шинал ссайгьатну ванан ччай дур ласун эллиптический тренажер.

Аьбдулмуслимовлул бунтсунни циняв оьрчал хияллу бартбивгьунтIишиву.

Акциялувух хIала бивххунни ДР-лул бакичинал Халкьуннал Мажлисравусса вакил Нюсрет Оьмаров, вице-премьертал, министртал ва цаймигу органнал каялувчитал.

ХIукуматрал председателнал хьиривчу Руслан Аьлиевлул бартбивгьунни чIавасса Эминнул хиял.

Ванал бунни «Хиялал елка» акциялул лагрулий цан ссайгьат булара тIисса тавакью. Ва ур ДЦП-лул кьашавайсса оьрчI. Республикалул цалчинма вице-премьернал оьрчан пишкаш дунни ниттиштал Грозналлал дельфинарийлийн гьансса путевка. Эмин тикку хьин хьанантIиссар 10 гьантлий.

Руслан Аьлиевлул «Аькьлу бусса колонка» дуллунни мушакьатсса Фатиман.

«Хиялал елка» акциялий оьрчIру ххари бунни мукунма Дагъустаннал ХIукуматрал председателнал хьиривчутал Манвел Мажонцлул ва Нариман АьбдулмутIалибовлул.

ДР-лул БакIчинал ва ХIукуматрал Администрациялул жяматийсса проектирдал отделданул каялувчи Шамил Аьлиевлул бартбивгьунни Дианал ва Мурадвхьал шама уссил – МахIаммадзапирдул, Загьирдул ва Тимурдул хияллу: миннан дуллунни мультфильмравасса ссихьу, компьютерданул тIуркIу ва март-ссят.

ХIасан АьДИЛОВ



## Ларгсса шинал — туризмалул рекорд

Дагъусттаннай 2024-ку шин туризм хъьичИуннай шавриву рекорд ккаккан дурсса шин хьуну дур. Дагстатрал хАсиллайн буну, аьмну 20, 272 миллиард кьуруширттал туризмалул услугартахла хьуну дур, 2023-ку шиналния 2,647 миллиард ххину.



Укунсса хъьичИуннайшиврул республикалул экономикагу лябуккулий гъаз дуваврин кабакьу буллалиссар, цИу-цИусса зузи кИанттурду буллалиссар. Туристьтал ила бичаврил, республикалийн цал бивкИми ялагу зана бикИлай бушиврул, бивкИцириннан дакИ дакьлакисса тIалавшинна духьувкун, цИусса каферду, ресторанну титИлай бур, миллатрал дуркранду буллалиссагу титИлай бур. МуницИухва, туристьтурансса маршрутругу гьарза хьанай дур. Экскурсиярдал программа хьун хьанахъавриву дуссар цамургу ххуйшиву: халкьуннал канил пагьмурдал сянатирттал сийгу гъаз хьанахъиссар. Туристьтал бартбисуртту

буллалисса, тIахИунтту дуллалисса, арцу-мусил чIюлушиннарду буллалисса цехирдавун биллай бур, биян ччишиву буслай бур. Ва иширалгу канил пагьмурду бусса устартал давуртту дуллалли буллалиссар, хьамабитала шавайсса пишарду цИу буккан буллалиссар.

Вай циняв хИуччарду хИисавравун лавсун, агьалинал маэшат туризмалул гъаз бувансса шартIру дур. ХIалициух, республикалул цIа-кьини дюхьантIиссар, Аьрасатнал ца яла хъьичИунмур, хьамал ххирамур ва колорит ядурмур регион хьунтIиссар. Ххулугу, хьитгу миккунни.

Патимат РАМАЗАНОВА

## Капитал ремонтрал взносу дулланми чIяву хьунни

Дагъусттаннай декабрь зурул ахирдания тийнмай капитал ремонтрахсса взносу дуллантIиссар чIявусса квартирарду бусса кьатраву ялапар хьанахъисса мадарасса инсантал.

Мукунсса 249 кьатри дур. Шивун духлай дур МахIачкьалаливсса, Каспийскалийсса, Дарбантливсса, Избербашливсса, Буйнакскалийсса ва Дагестанские Огниливсса кьатри.

Цинярдагу ва сияхIравун дагьлагьисса кьатри ххал дан хьунтIиссар Фондрал сайтрай.


ЧIявусса квартирарду бусса кьатрал капитал ремонт даврийну шиву ялапар хьанахъисса инсантуран бигьа-рахIатсса

шартIру дузал хьанахъиссар. Квартирардал заллухьруннар рартIсса взносу ишла дуллалиссар кьатраву цинявнал аьмну ишла буллалисса кIанттурду (чурттурду, чардагьру, подваллу, инженер коммуникациярду) бакьин бан. Кици лаган, капитал ремонтрахсса взносу дулайссар 4 шин ва 11 зурул хъьичИ регион программалувун багьсса кьатраву ялапар хьанахъиминнал.

Адриана АБДУЛЛАЕВА

Январьданул 7-ний ДР-лул бакIчи Сергей Меликовлул ххачпараснал дин дуллалими барча бунни Рождество Христоволушал.

## Ххачпарас барча бунни



«Ва чаннасса байрандалул агьалинал дакIру хьинмунийнсса вихшалдарал дуцИин дувай, мюхтажминнан ка-кумаг буллансса гьира цIакь бувай ва жувава циняв цашиврул, цачIу бавкьуну кьущу тIун аьркиншиврул асарду цIакь бувай. Жулва ппухьлунная ирсирай дирсса аьдатри, Дагъусттаннай агьали динну ва миллатру личИи кьабуллай яхьанан аьркиншиву. Кици

лаганна МахIачкьалалал епархиялул хьуннасса даву дуллаллишиву ва ххуллийгу, аьралитуран ва миннал кулпатирттан какумаг буллайгу.

Цинявннан чIа тIий ура цIакьсса цIуллушиву, паракьатшиву ва узданшиву, хьиндайди хьурттаву – тIайлабацIуртту», – тIий бур барча баврий.

Дагъусттаннал ХIукуматрал хьунама Аьбдулмуслим Аьбдул-

муслимовлулгу, ххачпараснал диндалул агьлу барча буллай, кици лавгунни, ва байрандалул жува рувхIанийсса гьанурдачIан ва кулпатирттаву кьиматрайсса ирс-ххазиналулчIан зана битлатишиву, 100-нниха ливчусса миллатру яхьанахъисса, личИиличИисса динну, аьдатру, культура дусса республикалий агьалинал цашиву, аслахIшиву дуроччаву – аьмсса мурад бушиву ва цашиву дуроччавриву ххачпарасналгу хьунмасса бутIа бушиву.

Дагъусттаннал Халкьуннал Мажлисрал председатель Заур Аскандаровлулгу, ххачпараснал агьлу барча буллай, лахьсса кьимат бившунни Оьруснал Килисалул Дагъусттаннай дуллалисса даврин. «Оьруснал Килисалул жьаматийсса иширттаву чялишну гьуртту хьанахъаврилгу чIалачИи буллай бур, республикалий рувхIанийсса культура ядаврил ва дакьаву дуроччаврил ххуллий циняв динну, личИи дакьа, ца ххуттай душиву. Рождестволул байрандалул инсантурал дакIру хьиншиврул ва хьинбалардал дуцИин дувай, лагма-ялтту аякьа аьркинсса инсантал бушиву, миннан кумаг буван аьркиншиву дакIнин бутай», – тIий ур ва. Ххачпарас байрандалул барча дунни республикалий махь нанисса бусравсса цайми кьуллугьчитуралгу.

Патимат РАМАЗАНОВА

## Дагъусттаннан итадакьин тIий бур сайки 1,5 млрд кьуруширттал

Жула региондалун 1,45 млрд личИи бантIий бур «Экономика данных и трансформация государственного управления» тIисса цIусса национал проектрал лагрулий. Муния бувсунни Дагъусттаннал Цифралул министерствалий.

Ми арцу жула региондалун личИи дантIий бур гьашину циняв школарду ва дянивмур даражалул профессионал дуккавил учреждениертту интернетрал сетьрал дузал баву мурадрай. Ми арцух мукунна ласун тIий бур ккакки-яртту сахла дайсса серверду, вайфай модульду, видеонаблюдениялул камерарду ва цаймигу затру.

Дагъусттаннал национал проектрарун буххан бунну бур регион-

далул школарду кьай-кьуйлул дузалшиндарал давуртту кьуртал шавай дуну тIий ва мукунна Каспийскалалул цифралул форумрай АьФ-лул цифралул лябуккулул министр Макьсуд Щадаевлул ва Дагъусттан Республикалул бакIчи Сергей Меликовлул дянив хьусса машвараттайн бунну.

ДакIнин бутанну, 2022-ку шиннал федерал субсидиярттал лагрулий 1310 школалий дурну

диркIссар проектирдал ва изысканиярттал давуртту ва мукунна 81 школа дузал бунну бивкIссар интернет инфраструктуралул.

«Республикалий программа бардигьаву хьунтIиссар дуккавил иширттаву цифровизация лядуккавил ва жула школардал дуклаки оьрчIан ттизаманнул дуккаву бигьа хьун давриву ца хъьичИуннайшивуну», – увкунни Дагъусттаннал цифралул лябуккулул министр Юрий Хамзатовлул.

ХIадур бувссар ХI. АБДИЛОВЛУЛ

## Душнил хиял дузрайн буккан бунни

ЦIусса шинал байрандалул гьантрай аьдатравун дагьсса «Елка желаний» тIисса акциялувух гьуртту хьунни «Дагестан» Этномедиахолдинграл» каялувчи Арсен Юсупов. Ванал ва хьуними редактортурал дузрайн буккан бунни МахIачкьалалив ялапар хьанахъисса Уммукусумлул хиял.



Цуллушиврул ссусукуьшиву дусса душнин пишкеш бунни искусственный интеллектрал кумаграйну зузисса, цIанасса ппурттуву сийлийсса Яндекс станция «Алиса» ва муниципунсса монитор.

Чивисса Уммукусумлул колонка ччай душиву кIул шайхту, ванил хиял бартлаган бавривух гьирарай гьуртту хьунни редактортал. Арсен Юсуповлул душнин ккаккан бунни колонка зузи дувайсса ва видеороликру, мультфильму ххал дувайсса куц.

– БувчIлай бур цуксса захIматну буссарив мушакьатсса оьрчIру хьунни буллан. Зул дакIру чансса-дунугу ххари даву мурадрайсса хьуннав ва бахшишгу. Уммукусум чIалай бур дакI хьинсса душ бушиву. Зул ужагьран гьарица чулуха даркьусса, барачатсса хьуннав ЦIусса шингу, – увкунни Арсен Юсуповлул.

Имара САИДОВА

# Дурмуницунсса ва данмуницунсса щугълурду



**Юсуп Махаммадов, Лакрал райондалул бакIчи:**

– ХьхьичIми шиннардий кунна, ларгсса шиналгу мадарасса давуртту дарду райондалул социал иширтгал ва экономикалул даража гъаз бан.

Навагу, райондалул жяматту рязисса ишну хьунни ларгсса шинал Гъумук 120 оьрчIансса тгизаманнул тIалавшиннардаха лавхъхъусса оьрчIал багъ тIитIаву. Ва тIитIлатисса шадлугърай гуртту хьун райондалийн бувкIунни бусравсса хъамал: Дагъусттанал Хукуматрал председатель Абдулмуслим Абдулмуслимов, экономикалул министр ХIажи Султанов, кIулшивуртту дулаврил министр ЯхIия Бучаев ва м.д. Цуну тIивтIусса багъравун занай буссар, Гъумучасса бакъассагу, лагма шархъаяссагу оьрчIру. Хасъсса аьралий операциялул гурттучитурал оьрчIру занай буссар уквa. Мюрщи оьрчIал мюхчаншиву дуручаву мурадрай, багърал чIарав буссар автобусу ва цаймигу машинартту бацIансса кIану.

Райондалийсса КIулшивуртту дулаврил цинявпагу идарартгал чIарав рирщуну дуссар «Внимание, дети» тIисса ххуллул лишанну.

Шалагу шинал лажиндарай хьуннасса кьулагъасрайн лавсун буссия хасъсса аьралий операциялул гурттучитурал масъалартту. Райондалийн дуллалисса цинярдагу мероприятиярттайн хасъсса аьралий операциялий жанну дуллуминнал ва тийх гуртту хъанхъиминнал кулпатирттайн оькуну, дакIний личIансса бахшишру дурну, шайсса аякъа дарду. Мукумма райондалул жяматрал цимилвагу гъан буссар хасъсса аьралий операциялий Ватандалул мурадру буручлачиминнан гуманитар кумаг.

Муса Маннаровлул цIанийсса Гъумучиял школалий тIивтIуссар хасъсса аьралий операциялий жанну дуллуминансса «Аьпалул багъ». Шикку хьунни ялун нанисса ник Ватан ххирану тарбия даву мурадрайсса мероприятияртту. СВО-лий жанну дуллуминнал аьпа абад баву мурадрайсса мероприятиртту цаймигу хьунни райондалийн. Хъунайннал школалул чIирай лачIарду Махаммад-Сяид Махаммадовлул аьпалул ула. Хасъсса аьралий операциялул гурттучитурал ва ахIвал кIюласса кулпатирттавасса оьрчIру бигъалаган, гъинтнил зурдардий Ккурклив, Шарав ва Гъумук тIитIарду оьрчIансса ла-

**ХIУРМАТ БУССА ЛАКРАЛ ЖЯМАТ, «ИЛЧИЛУЛ» БУККУЛТ!**

**Барча зул Цусса шин. Барачатсса, буллугъсса шин хьуннав. Ххаришивуртгашал, хьиншивуртгашал дуркIун лякъиннав. ТIиртIунийн ка диллай, бивзний ша бакълай, бувсний махъ бацIлай личIаннав.**

**Аьдатравун багъсса куцуй, ларгсса шин цукун, ссайну дакIний лирчIсарив буслай бур жула миллатрал бусравсса вакилтал.**



герьду.

Жяматран медициналул кумаг баврил даража гъаз баву мурадрай, Чурттациял ва Ххуртал шяраваллаву тIитIарду ФАПру. Цаппарасса давуртту дарду Гъумуксса азарханалул къатри ва хIакинтал ялапар хъанансса чIявусса квартирарду бусса къатри чяни кьуртал даву мурадрай.

Ларгсса шинал, меценатътурал ка-кумаграцIух, цIу дуккан дарду Читтурдал ва Ккуркуллал шяраваллаву Ккултуралул къатри.

Райондалийн хьуннасса кьулагъас дуссар спортрал даврих.

Ларгсса шинал лавайсса даражалый хьунни Аьрасатнал Виричу НурмаIаммад ХIажимаIаммадовлул хас дурсса Шахматирттай буккавил республикалул турнир.

Райондалул жагьилтурал дянивсса дусшиву цIакъ даву мурадрай, Шардал шяраву дарду футболданий буккавил райондалул турнир.

Туристътал кIункIу баву ва райондалул жяматрансса хIаллихинна хIисаврай, Ханнал-БярничIа тIитIарду бигъалавил зона.

Гъумуксса Ккултуралул паркраву бувну буссия ттуплий буккансса мини-поле. Ларгсса шинал меценатътурал кумаграцIух му бакьин барду.

«Мой Дагестан – мои дороги» программалул лагрулий республикалул ва кIанттул бюджетрал арцух бакьин барду циняв школардачIансса ва социал объектирдачIансса ххуллурду. Мукумма асфальт бутIарду Гъумучиял цIусса микрорайондалийсса, цIуну бусса оьрчIал багърачIансса ва школардачIансса ххуллийх.

Райондалул администрациялул кьулагъасрайн лавсъсса аьгамсса масъалалун ккалли бан бучIиссар налогру ратIаврийну бюджетрал доход ххишала дав-

рил масъала. Ва чулийннай дурсса даврил хIасиллугу ххуйсса хьунни – 11 зурул дянив 105,3% шаллу дарду план.

ХIакьинусса кьинигу зий буру райондалул шяраваллаву газ буцинсса проект-сметалул документация шаллу буллай.

Шин дакIний лирчIунни мукумна ттула кьушлий хьусса ххарисса иширайнугу – арс ташулул шаврийну. Жул ххаришиву кIидачIин, ва кьини жул чIарав бацIан бувкIунни чIявусса дулстал, даврил уртакътал, цинявпагу жул хIурмат буми. Миннахьгу дакIнийхтуну барчаллагъ тIий ура.

Цусса шин барачатсса, даркьусса хьуннав. ХьхьичIа чIа тIий ура дакъаву, дуняллий паракъатшиву. Чяни баяннав жунма ххувшаву ларсъсса ххарисса хавар, сагъсаламатну зана хьуннав цалала кулпатирттаву жула кьучагътал. Жанну дуллуминнал гъан-маччанахъхьун дулуннав ссавур.

ХIарачат банну, гъарица шинах кунма, цIусса шинавугу экономикалул, социал иширтгал ва цаймигу сферардаву ххуйсса ккаккиртту чIалачIи дан.

**Шамил Рамазанов, Ккуллал райондалул бакIчи:**

– Ларгсса шин, жула республикалунгу, аьмну шала билаятрангу бигъасса кьадиркIхурчагу, Ккуллал райондалун даркьусса дия учин буюхъанссар. ЧIарусса давуртту дан буюхъунни, агъалинал оьрмулул даража гъаз баву, ялапаршиннарал шартIру кьулай даву мурадрай.

«Мой Дагестан – мои дороги» программалул лагрулий райондалул центрданий, Ваччиял шяраву, бакьин бувну, асфальт бутIарду Мичуриннул ва Гагариннул цIанийсса кIичIирттавух. Райондалийсса цинярдагу шяраваллаву бакьин барду ххуллурду. «Местные ини-



циативы» программалул лагрулийсса конкурсарай ххув хьуну, СунбатIуллал шярава бувккун нанисса кIанайсса кьапу бувну кьуртал барду. Хьунмасса хIарачат бувну, шинал ахирданий бакьин буллай байбивхьуру ЧIяйннал шярава СунбатIив бияннинсса мукьра километралул манзилданийсса ххуллу. Сукку дарду Ваччав стадион бансса давуртту.

«Национальная система пространственных данных» федерал программалулу гуртту хьуну, 9 шяраваллил дазурду ккаккан дарду ПаччахIлугърал Цасса реестрданий. Хьусрациял ва ЧIяйннал шяраву дурну кьуртал дарду кадастралуцIун дархIусса цинярдагу давуртту.

Хьуннасса даву дурссар райондалийн хасъсса аьралий операциялуцIун дархIуну. Ватандалул мурадру буручлай жанну дуллусса мукьра кьучагънан аьпалул ултти дишарду: Аьрасатнал Виричу Фархад Худайнатовлул Цийшиял школалий ва Ваччавсса Вирттавил аллеялулу, Оьмаев Рашидлул ва Кьурбанов Кьурбаннун - Хьусрациял школалий. Шинал лажиндарай цимилгу гъан барду хьхьичI ххуттай бавIусса аьралийтуран гуманитар кумаг, мукумма хасъсса аьралий операциялул гурттучитурал кулпатирттан кумаг буллай, чIарав бацIлай бивкIру.

Културалул ххуллийгу хьунни ккалли дан бучIисса мероприятияртту. Аьрасатнал шагърурдаясса ансамбльлугу гуртту хьуну, лахъа-хьунну хьунни «Наследие» тIисса фольклорданул фестиваль.

Цусса шиналгу цаппара дан дакIнийсса давуртту бартдигъин буюхъанссар тIисса умуд бур.

ЧIа тIий ура дуняллий дакъаву, паракъатшиву, куннан кув бувчIаву.

Хасъсса аьралий операциялул ахир хьуну, жула оьрчIру, ххувшавугу ларсун, цала-цала ужагъирттайн кIура бавсса кьини чяни ккакканнав жунна.

**МаматIи ХIамзатов, Цуссалакрал райондалул бакIчи:**

– Ларгсса шин бигъасса дакъая. Ци чулийгу, райондалулгу, Цуминалулмургу иш бачин баву, гъарица сфералул даража гъаз баву мурадрай, чIарусса давуртту дан буюхъунни. Райондалул оьрмулулу хьуннасса агъамшиву дусса ва дакIний личIансса иш хьунни 1999-ку шинал райондалийн ххявхсса дуняллул террористътал ххит бувну 25 шин шаву. Тай захIматсса гъантрай,



федерал аьрал, райондалул милицинал отделданул зузалт ва ФСБ-лул зузалт, ополченгал ва райондалул жямат цацIун хьуну, дурурчуссар республикалулгу, билаятралгу цашиву, тархъан дурссар район дуняллул террористътурал кьюкьрацIа. Вай иширттан 25 шин хьусса мероприятиярттай гурттучинна дан райондалийн увкIунни Дагъусттаннал бакIчи Сергей Меликов, Аьрасатнал Вирттал ва цаймигу бусравсса хъамал.

Район хьхьичIуннай шаву мурадрай дуллалисса давурттая тIурча, шяраваллаву бакьин бан буюхъунни мадарасса ххуллурду. Байбивхьуру бакьин буллай Цуминалийсса Цуссаккуллал шяравусса ххуллурду. Мукумма бакьин бан буюхъунни 2 спортзал. «Формирование комфортной городской среды» программалул лагрулий цIу буккан барду Банайюрт шяравусса парк. «Местные инициативы» программалийн Цуминалийсса Цуссалакрал ва ТIюхчардал шяраву жяматийсса кIанттурду бакьин буллалисса давуртту кьуртал шавай дур. ЦуссачIурттациял шяраву барду ФАП.

КIицI лагансса агъамсса даву хьунни хасъсса аьралий операциялий жанну дуллусса аьралигуран ва кьуллулугърал бурж бартбигълай жанну дуллусса полициялул зузалтран хасъсса «Аьпалул багъ» тIитIаву. Шикку бивхьуну буссар жанну дуллуминнал цIарду чирчусса чартту ва мемориалданул ултти. Бувгьуну буссар 200-нния ливчусса ахулссаннул ва декоративный мурхьру.

Райондалийн 100 процентрал план шаллу дурсса масъалалун ккалли бан бучIиссар интIусса ва ссуттилсса призыврал масъала. ХIакьинусса кьини райондалиясса 400 кьучагъ уссар хасъсса аьралий операциялий билаятрал мурадру буручлай.

Ларгсса шинал дурмунил хIасиллу дуллай, учин ччива, райондалул бакIчи хIисаврай, райондалийнгу, Цуминалийгу инсантурал оьрмулул даража гъаз баву мурадрай зий айивхьура куну. 2025-ку шинал шаллу бан багълагъисса масъаларттугу чансса бакъар, хIарачат буллана мигу лайкъну бартбигъин.

Цусса шинаву чIа учин ччива цинявннал цIакъсса цIуллушиву, ужагъирттай барачат, дуллалимуниву ххуйсса ккаккиртту.





# Дурмуницунсса ва данмуницунсса щугълурду



**Сапизат Мазаева, Аьрасатнал Виричу Нурмахаммад Хажимахаммадовул нину, МахIачкьалалал 54-мур шко- лалул директор:**

– Жуютура ларгсса шин ттун хьхьичIра-хьхьичI даКIний лирчIунни Аьрасатнал президентнал бувчIавурттайну. Владимир Путиннул вихшаласса инсан хIисаврай, на чIявусса кIанттурдайн лавгра, личIи- личIисса инсантурашал хьуна- бавкьура, ихтилатру бав. Асар хьанай бия ттула чулухунмай- сса хIурматгу. Цинявпагу бус- лай бия Владимир Путиннух- лу чIу булун хIадурну бушиву, мунай дакьа вихшала дакьа- шиву. Шин даКIний лирчIунни захIматсса кьинирдай жула халкь цаЧIун шаврийну. ЦаЧIун хьун- ни жула инсантал бувчIавурттал чIумалгу, хасьсса аьралий опе- рациялийминнан гуманитар ку- маг бавривугу.

Цинявпагу аьрасатлувтуран агьамсса ишну хьунни чIявусса хьхьичIунсса масьалартту гьаз бувсса президентнал Рисала. Хьуннасса кьулагьасрайн лав- сунни В. Путиннул дуккавил сий гьаз даврил, педагогтуран харжру гьаз баврил масьала.

Сси-кьаши хьунни, пашманс- са асарду ливчIунни Дагьустан- най хьусса терактирдая. Вайгу, гьай-гьай, республикалийсса та- гьар оьлукьин даву мурадрайсса ишру бушиву чIалай бия, амма кьурчIисса иширттал цал ттигу жула халкь хьиннува лагма ла- ган бунни, цаЧIун бунни.

Щусса шинал чIа тIий бура цинявннан цIуллушиву, талихI- тирхханну.

Дяьвирдал чIурду бухгалтер- нав, дуняялий дакьаву хьуннав. Цинявпагу жула оьрчIру ххув- шаришал цIуллуну, сагьну зана хьуннав! Аьрасатнал билаятрал гуж-кьудрат ххисшала хьуннав, Дагьустаннай аргь дизаннав.

**Арсен ХIусайнов, техникалул элмурдал доктор, профессор:**

– 2024-ку шин ттунгу, ттул кулпатрангу даркьусса, тIай- лабацIусса шин дия. Ттула агьам- мур даврий, Москвауллал авиа- циялул институтраву, штатрайн дагьайсса педагогнал даврищIун хIадур бан бювхьунни леххай аппаратирттал проектирддал личIишиврул хIакьиравусса монография. Отраслилул пред- приятияртташалсса икьралдай- нийн бувну, шаллу дан бювхьун- ни элмийсса ахтаршиннарду, мукунна сакин дарду инженер-



кадрардал пишалул даража гьаз бансса ва цаймигу мюнпатсса давуртту.

Жяматийсса давурттая тIурча, «Дагестан» Москваул- лал культуралул центрданул пре- зидент хIисаврайгу, дарду личIи- личIисса агьамсса мероприятия- яртту. Аьдатравун багьсса ку- цуь, лахьа-хьун барду ветеран- тал, дишарду тIутIив Москваул- лал Новодевичье хIатгаллийсса Совет Союзрал кIийла Виричу, летчик-испытатель АхIмад-Хан Султаннул, парашютист Наби Аминтаевлул ва Буттал КIанттул цIанийсса Хьунмасса дяьвилый жанну дуллусса цаймигу дагь- устанлувтурал гьаттардий.

Жагьилтурал медициналул форумгу сакин бувну, лавайсса даражалый кIицI лагарду Меди- циналул зузалал кьини.

Дишарду тIутIив халкьун- нал шаэр Расул ХIамзатовлул гьайкалдануцI ва сакин дарду «КIяла кьурукьру» тIисса музы- калул ва литературалул вечер. Хьуннасса даву дуррсар цен- трданул коллективрал хасьсса аьралий операциялул гьурт- тучитурал чIарав бацIаву, ка- кумаг баву мурадрай. Вай да- вурттал лагрулий хьуссар СВО- лул гьурттучитурал ва жагьил- турал хьунабакавуртту, хасьсса аьралий операциялийминнан гуманитар кумаг гьан баву, чья- чьяни биллай бивкIссар аьралий госпитальлай хьин хьанахьисса жула ватанлувтурачIан, гьурт- ту хьуссар цаймигу чирилул ак- циярдай.

Ларгсса шинал дан бюв- хьусса агьамсса даву хьунни «Дагестанцы-москвичи» тIисса энциклопедиялул журалийсса луттирансса материал салкьи даву. Ва лу 2025-ку шинал ита- бакьинсса пикри буссар.

Ларгсса шинал ттула кулпа- травугу ххарисса ишру хьунни: дуняялийн увккунни цалчин- сса ттул правнук – душнил душ- нил Алинал унни арс. Душнил оьрчI Кьурбан, медальданий школагу кьуртал бувну, увххун- ни «Высшая школа экономики» университетравун. Щарсса дур- цуну, кулпатрал хьунни душнил оьрчI Саэд.

Барча тIий ура Щусса шин цинявпагу лахрахь, дагьуст- танлувтурахь. ЧIа тIий ура цIуллушиву, талихI-тирхханну, ужагьирттай нахIу-хIалимшиву, дуллалимуниву тIайлабацIу. Яла-яла, чIа тIий ура, чьясса чIумуй дяьвилул ишру ва кьал- макьаллугу кьуртал хьуну, жула цинявпагу оьрчIру, Ххувшаву-

гу ларсун, цIуллуну, сагьну хась- сса аьралий операциялия зана шаву, дуняялийн паракьатши- ву ва дакьаву ликкаву.



**Асият Буттаева, философия- лул элмурдал доктор:**

– Шинну – ми дур чIумул цинцилтту, ца лахIзалий архIал дацIайсса, гамур чIумаллив, лавгмунил ва бучIантIимунил дя ришлай, лагь-лахь хьанан дикIайсса. Ттул оьрмулувугу лавгмунил цинцилтту кIу хьа- най дур. БучIантIимурдив так Заннан кIулли.

2024-ку шин ттун дия цаппа- расса затру аьч хьусса ва цап- парасса затирттал заллу хьус- са шин. Хьуна чIявусса, хIисав- сан дан багьлагьисса КIанттурду. Аьмнунив, яргсса авадансса шин дия. Хьунни чIявусса дустал, тIаьнсса хьунабакавуртту.

«Дуняялий яла агьаммур – кулпатри, кулпат бакьахьурча, цичIав дакьашиврун ккаллис- сар» тIисса мукьурттил мя- на утти ттун хьиннура дурчIан ва асар хьанан диркIунни. Ттул кулпатраву бур 3 оьрчI (1 арс ва 2 душ), 8 оьрчIал оьрчI. Ттул дуняяллул жавгьардуну утти вай- ри хьанахьисса. Вайри ттул пах- ру, вайннавура на личIантIисса. Муняйгу на хIарачат бан аьр- кинссар ххуйсса давурттай- ну, хьинсса тIул-тIабиаьтрайну кьабитан вайннан нава. Зан- налгу ттуцIунма кабакьинссар тIий бура.

Ттул пиша бур педагогнал. На зий бура Дагьустаннал гу- манитар институтраву. КIицI лаган, ва бур ляличIисса ат- мосфера дусса, преподаватель- турал ва студентьтурал дянив хIурматрайсса ва вихшалда- райсса арарду дусса вуз. Шик- ку дакьассар цукунчIавсса кор- рупция. Ва вузраву бювхьунни ттуца, элмулул ххулий педагог хIисаврайгу, лавайсса даражалул пишакар хIисаврайгу, нава ккак- кан бан. На дуллалисса жямат- тийсса давуртту жура-жура дур: Дагьустаннал Жяматийс- са палаталул комиссиялул экс- перт, Дагьустаннал Юсти- циялул министрствалучIисса ва Антиррористический комиссиялулчIисса экспертний советирттал член, Халкьуннал Мажлисрал депутат ХIажимурад Маллаевлул кумагчи.

Цайми кунма, нагу даКI цIий бура хасьсса аьралий операция- лул иширттай. Щусса шинавун ми иширттан ахир хьуну бух- хансару жува тIисса умуд бус- сия. ХIакьину Заннайн дуаьлий бура, цIуллуну, сагьну зана бува

арсру ниттихьачIан, буттахьул оьрчIачIан, ласру хьанничIан. ЧIа тIий бура чаннасса ссавгу, бивтсса баргьгу.



**Альбина Шутунова, «РМЛИ ДОД» (Республиканский мно- гопрофильный лицей-интернат для одаренных детей) идаралул директор:**

– Ларгсса шин бигьасса дия учин кьахьунссар.

ЧIявусса сси-кьаши хьунсса, инсантурал даКIурдийн шунс- са ишру хьунни билаятрайгу, шала дуняялийгу. Умуд бур, цIусса шинаву паракьатшиву хьунссар, жула даКIругу рахIат дукканссар тIисса.

Гьай-гьай, ххарисса, тIаьн- сса ишругу чансса кьавхьун- ни.

Учитель хIисаврай, на хьин- ну ххари бунна кIулшивуртту дулаврил системалуву хьусса ххуй чулийннайсса даххана- шивурттал, хьхьичIва-хьхьичI, совет чIумалсса система цIу дуккан даврил: оьрчIру ва- тан ххирану тарбия баврих, профориентациялул даврих ххишаласса кьулагьас дуллан бикIаврил. Дурккунни цIусса дарсру: захIматрал, мюхчан- шиврул ва ватан дуруччаврил.

2024-ку шинал чIявусса ду- клаки оьрчIру гьуртту хьун- ни олимпиадарттай. Ххиса- ла хьунни классрал каялувши- ву даврихлусса харж. ХIалли- хIаллих тIий, цIунилгу гьаз хьа- нан диркIунни педагогнал пи- шалул сий.

Ялагу кIицI лаган ччива, ларгсса шинал республикалул цинявпагу школардаву жул лицей-интернатрал бия яла чIявуми 11-мур классрал вы- пускниктал – 192 оьрчI. Мин- нава 54 оьрчIал кьуртал бун- ни школа мусил медальлай, 28 оьрчIал – арцул медальлай. Вай хьинну ххуйсса ккаккьярттур. Му бакьассагу, билаятрал яла хьхьичIунми вузирдавун бух- лахисса выпускниктурал ккал хIисав дурну, жул лицей Аьра- сатнал 100 школалул сияхIраву буссар. Ухссавнил Ккавказул- лал федерал округрай тIурча, мукьра шинал лажиндарай жу цалчин буссару. Вай дукла- ки оьрчIалгу, педагогтуралгу захIматрал хIасиллур.

Щусса шин гьарнал кьуш- лийн барачатрашал, ххариши- вуртташал, тIайлабацIулущал дурххун лякьиннав. Гьарица ин- саннан чIа тIий бура цIуллушиву, талихI-тирхханну.



**Жамалуттин Амирханов, хасьсса аьралий операциялул гьурттучи:**

– Жуютура ларгсса шин, цинявпагу жула халкьуннан кун- на, ттунгу хьунмурчIин хасьсса аьралий опеациялул иширттай- ну даКIний лирчIунни. Цуксса захIматсса ва нигьачIисса тагьар дунугу, баргьлагавал билаятру ва НАТО-лул блок цуксса кьар- ци бацIарчагу, жула халкьуннал ккаккан дунни цала цашиву, цай- миннал жулла ялув духIлахIимур кьакьамулшиву ва нацизмалун ххулул кьукьинтIишиву.

Шалагу дуняяллул Аьрасат- нал ккаккан бунни цила гуж- кьудрат, исват бунни билаятрал агьаммур ресурс чIявусса милла- тирттал ва личIи-личIисса дин- нал инсантурая хьусса Аьрасат- нал халкь бушиву. Муняйгу ттун хьунмасса пахру бикIай.

МукIруну ура жува ххув хьунтIишиврийн ва цIусса шин Аьрасатнал тарихраву агьамс- са дахханашивуртту дансса шин хьунтIишиврийн.

ЧIа тIий ура цинявннан да- кьаву.



**Исмяил Исмяилов, «Жем- чуг» стоматологиялул клини- калул генеральный директор. Ханты-Мансийский округ, ш. Радужный:**

– Жула оьрмулуву ххари- мургу, пашманмургу архIал най бур.

Ларгсса шинал ххуймур, хха- римур хьамабитан бансса хьун- насса кьурчIишиву дивунни жул кулпатрал, шалагу агьлу- авладрал ялун. Оьрмулул кьа- бувччуну, дуняяллия лавгунни ттул аьзизсса ссу. Чивчумунин чаран бакьассар учайхха, Ал- лагьнал чичру духьунссия.

Даврил, бизнесрал чулу- ха тIурча, шин даркьусса, тIайлабацIусса дия. Ттула ко-





# Дурмуницунсса ва данмуницунсса щугълурду

→ мандалушал (100-ннийн бивса инсантал зий буссар жуча) архал титгарду хунмасса лабораториялушалсса, цинявпа челюстно-лицевой операциярту бансса шартру дусса стоматологиялул 5-чинсса клиника. Жул клиникардай гъарица аьркинсса кумаг къюккы багълий, кувний укватура байссар хасъсса аьралий операциялул гуртту-читуран, миннал кулпатиртган. Мукум кумаг къюккы багълий кьамул байссар жу пенсионертал, инвалидтал, чернобыльцы, Авган дъвилулул ветерантал. Медициналул кумаг баву бакъассагу, жу гуртту шайссару хасъсса аьралий операциялийн гуманитар кумаг гъан буллалсса акциярдаву.

Ялагу кичи лаган ччива, жунмасса кадрарду хадур бан харачат буллаи бушиву клиникалул хакантал. Северданийн бучан ччисса чявусса къабиклай. Мунияту, жучава зунсса зузалт хадур буллан багъай. Чявусса шихсса ттула гьалмахтурал оьрчру, ва пиша язи бугъансса пикрилийвагу къабивкисса, утти ккарччал хакантал хъанай буссар. Жу ми, аьркиний спонсоршивугу дурну, стажировкалийнгу жучанма буцарду.

Цусса шинаву цинявннан ча тий ура цулулушиву, ххари хъиншивуртту. Гъарица оьккимуния Заннал бурувчуну лякьиннав.



**Жанна Курбанова, Дагусттаннал халкуннал артистка:**

– 2025-ку шин хъунадакын жува цулулуну, сагъну бивтукун, ларгмур шин къаххуйсса дия учаву къатйахлахунссар, ттул пикрилий. Ларгсса шиналгу жула оьрмулуву ца агъамсса клану бугъуссар, цила лажин чирчуссар.

2024-ку шин творчествалул чулуха ттунна тйаилабацусса дия учин буюхансар. Ттун дуллунни «Дагусттаннал халкуннал артистка» тисса бусравсса ца. Муният махъ – «За заслуги в культуре и искусстве» медаль, «Патриот Российской Федерации» орден. Нара дуллалимунийн лайкьсса кымат бищаврия тлаансса асарду ливчунни.

Цусса шин ларгмурният ххуйсса хъуннав. Украиннавусса, Палестиннавусса, Сириянавусса дъвирдал иширттал ахир хъуннав, дуниял паракъат хъуннав.

Хъинмур, ххуймур дакнийнал мурадру бартлаганнав.



**Ххадиджат Саххаева, медициналул зузала, шаэр:**

– Ларгсса шин бигъасса дакъая. Кива зуруй цал тисса кума, занай буссияв хасъсса аьралий операциялий захматсса шавурду дирну, хъин хъанахъисса аьралитурачан. Аьркинмур диян даврицун, миннал дакданмургу буслай бивкйру. Чувшиврий лахълай бур дурксса кьини жула аьралитал.

Хъуннасса кьумашиву дакниву ливчунни ттула буттал шяравасса, Чакъалиясса, Артур Амиров ххассал ан къавхуну. Шанма оьрчру ятинну къабивтун, ахиратравун лавгунни. Алжаннул ххари аннав.

Цусса шинаву ча тий бура цулулушиву, хаснува жула виртаван.

Хасъсса аьралий операциягу къуртал хъуну, ххувшавугу ларсун, ххарисса дакйурдишал, цулулусса чурхардишал цала шаппай зана хъуну ккакканнав.



**Милана Махимудова, А.Тахо-Годил цанийсса Национал музейрал художник-реставратор ва элмийсса зузала:**

– 2024-ку шин ттун даркьусса, творчествалул чулуха авадансса дия. Мастер-классру ккаккан буллаи, чявусса школардайн ва лагерьдайн бивра. Мукум гуртту хъура ВДНХ-лий хъусса шалагу Аьрасатнал выставкалий. Ва тлаанну дакний личансса хъунни. Жул стенд хъинну ябацансса дия, цинявпа тамашачитал жучан най бия. На жула бархъалал янналугу Дагусттанная бусласисса экскурсия буссия миннан.

Мукум ларгсса шинал гуртту хъура пишардал кьинирдан хас дурсса шадлугьрал личи-личисса мероприятиярттай. Шяраваллил хозяйствалул

зузалтрал кьинилун хас дурсса мероприятиялийн увкун ия Аьрасатнал шяраваллил хозяйствалул министр Дмитрий Патрушев. Му кьини мероприятиялий гуртту хъанахъисса ттушагу интервью ларсуна. Цалчинмур каналаний ккаккан дурна.

Мартрай «Крокус Ситилу-вусса» туристурал форумрай гуртту хъуну, 3 гъантлий Дагусттан майшан тий бивкйра. Тйалассар, тичхасса тлаансса асарду лахъи къалавгуна. Форум къуртал хъуну хъири кьини «Крокус Сити» залдану оьсса бала хъунни. Та иш хъинну дакнийн шунни, хъунмасса халлай ттуйнма нава къабуклай бивкйра.

Дакний личансса хъунни «Солнечный берег» лагерьданийнсса аьрххи. Белгородая ливхъун бивкисса оьрчан мастер-класс ккаккан бан лавгссияв. Вожатыйтурашал ихтилат буллалнийн, тайннал буссуна оьрчру Аьрасатнал личиличисса шагьурдайсса лагерьдайн гъан буллаи бивкйшиву, амма нитти-буттан ва цанма оьрчан, Дагусттангу, Дагусттаннал халкьгу ххуй бивзун, шиккун ччан бивкйшиву.

Цусса шингу творчествалул чулуха даркьусса, тйаилабацусса хъуну ччива. Яла-яла, хасъсса аьралий операциялун ахир хъуну ччива.



**Зиябуттин Хажимирзаев, Дагусттаннал лайкь хъусса строитель:**

– Ларгсса шинал ттул оьрмулуву ххуйнугу, къаххуйнугу дакний личансса ишру хъунни.

Цусса хайпнугу, чявусса ххаллилсса ттул шяравучутал дунияллия лавгунни. Ляличинува кичи лаган ччива цаныхсса художник Альберт Хаджаев. Ва, ца Гьунчукьатйрал шяраваллил бакъассагу, шалагу Дагусттаннал тарихраву ца къариртесса инсанни.

Жул шяравасса Жамалуттин Аьлиевлул жан дуллунни хасъсса аьралий операциялий. Кичи лаган, СВО-лий ккаккан дурсса чувшиврухлу Аьрасатнал Виричунал ца дуллусса Фархад Худайнатовгу гьунчукьатйрал кувяри.

Цинявпагу дунияллия лавгминнал аьпа баннав.

Ттуятува турча, ларгсса шин тйаилабацусса дия. Студенттурашал хъунаакьин ттуйн оьккунна Дагусттаннал университетрал Экологиялул институтрал ва Техникалул университетрал.

Кйрагу хъунабакъаву дакний личансса, мюнпатсса хъунни. Студенттал гъирарай вичи дирхуну бия буюхтул зунттайн лахъавриясса ттул хавардах, буллаи бия суаллу.

Рязину ливчйра нава «Dagstan Trail – 2024» лечавриву гуртту шаврий. Лечин аьркинну бия зунттал кйантурдайх, цимилгу буюхтулсса мицйайн лахъавай, ялавай учлавай. 35 километралул манзилданий ккаккан дурсса чумуй лечин буюхуну тий ттун медаль дуллунни.

Дагусттаннал литературалул оьрмулуву ккалли бан бучисса ишну хъунни ттул шяравудуш Кьурбанпатимат Штанчаевал «Оьрмулул лахйзарду» тисса шеьрирдал жуж буккаву. Миллатрал библиотекалуву лавайсса даражалый хъунни луттирал презентация. Мудангу дакний личансса шай буттал шяравунсса аьрххи, хаснува ттуцанма хъамал бивкисса кьинирду. Ларгсса шиналгу мукум аьрххирду чансса бакъая. Ттуцан увкунна 4 шинал хъхъич Лениннул пикрайн архал лавхъун ивкисса француз Пьер. Шяраваллил жяматрал, цачанма хъамалу оьвтйий, цивппа буклай, ванан хъунмасса хурмат бивна. Мукум тлаансса асарду ливчунни жула ххаллилсса душру, «Дараччи» фондрал вакилтал хъамалу бучаврия.

Ларгсса шиналсса ххуйсса иширттая тий, чара бакъа кичи

лаган ччива шяраву уссурвал Штанчаевхъал ва Хусайновхъал харачатрайну хъхъичавасса мизит цу буккан баву. Октябрданийн, Дагусттаннал муфти шайх Ахмед-хаж Апанни Абдуллаевгу, чявусса бусравсса хъамалгу гуртту хъуну, шяраву лахъа-хъунну тивтунни бакьин бусса мизит.

Шинал ахирданийгу хъунни ттулва оьрмулуву дакний личансса, ххарисса ишру. «Лотос» издательствалий бивккунни «Вертикаль моей жизни» тисса ттул лу, мунил презентациягу, чявусса инсанталгу гуртту-ну, лавайсса даражалый хъунни Дагусттаннал Национал библиотекалуву.

Цаппара гъантрава турча, ттунма ххарисса, хурмат бусса инсанталгу лага лавгун, кичи лага ттула оьрмулул 60 шинал юбилей.

Цусса шинаву ча учин ччай ура «Илчи» кказитрал цинявпагу буккултран цулулу-сагъшиву, талих, тирхханну. Лакрал миллатрай барачат бишиннав, гъарицагу дуллалисса даврицун кабакьиннав, дакнийсса мурадру бартлаганнав.

Та дъвигу жула ххувшаврийну къуртал хъуну, цинявпагу тикку гуртту хъанахъисса оьрчру-душру лажин кйалану, дакйру марцуну, сагъ-саламатну шаппайн зана хъуннав.

**Цухху-бусу буссар Андриана Аьбдуллаевал**

Подписка – 2025

**Ххирасса «Илчилул» буккулт!**

**ЧИЧАРА ККАЗИТ**

**Баян буллаи буру най душиву 2025 шинайнсса «Илчилул» подписка!**

**Федерал почталийх:**

● шинайнсса – 1066 кь. ● дачйи шинайнсса – 533 кь.

**Дагпечатьрайх:**

● шинайнсса – 504 кь. ● дачйи шинайнсса – 252 кь.

**«Почта России» сайтрайхчин:**

<https://podpiska.pochta.ru/press/P7046>

● дачйи шинайнсса - 533 кь. ● зуруйсса - 89 кь.

**Редакциялийхчин Дагусттаннал дазул къатйув:**

● шинайнсса - 2800 кь. ● дачйи шинайнсса - 1400 кь.

**ХХИРАССА ЛАК!**

Лахъхъияра, ишла буллаияра жула миллатрал ххазинану хъанахъисса буюхтулсса лакку маз. Кйулу бикйияра, маз бакъахъурча, миллатгу бакъашиву, маз миллатрал гъану хъанахъишиву.

Му гъанулий лакрал тарихрал, маданиятрал, багъу-бизулул бюрнардай бацан бусса кланну бавхусса ххазинарттава ца яла чара бакъамурну хъанахъиссар миллатрал «Илчи» кказитгу.

Зулгу, жулгу бишлашиссар ябуцан бан къашайсса цавай тунурду. Миллатрал лишанну хъусса «Илчи» кказитрал чарав бавцуну ккаккан дан хъунтиссар Ватандалухсса ва миллатрахсса ччаву.



## Цуссалакрал райондалия КьюлтІну бикІувча



Дагъустаннал жагьилтурал министр Камил Саидовлул цІушинал бахшиш дунни Цуссалакрал шяравасса 13 шинавусса Абдурашидлун.

«Хиялал елкалия» министрнал ливккунни Абдурашидлул цІанишалсса шар ва бартбивгунни дуклаки оьрчІал мурад.

«ОьрчІ дучрал спортрахун агьсса ур, мунияту на хІарачат бав ванал хоббилуцІун дархІусса бахшиш дан. Ци дуссарив жул дянивсса кьюлтІсса затну бикІувча», – тІий ур Камил.

Министрнал шавай лавгун дуллунни Абдурашидлухъун бахшиш. ДакІнин бутан, «Хиялал елка» акция дайссар гъарица шинашалагу билаятрай.

Ва дулан бивкІссар 2018-ку шинаш байбивхуну Аьрасатнал президент Владимир Путиннул сипталий. Ва акциялул лагма лаган буллай бур оьрчІал хияллу бартбигин ччисса азарахъул инсантал.

## Хиял бартлавгунни



Хасьсса аьралий операциялий гуртту хъанахъисса Цуссалакрал райондалиясса хъамитайпалул арсан, Цуссаккуллал 2-мур школулул дуклаки оьрчІ Кьурбан Къубалаевлул «Хиялал елка» акциялул лагрулий бахшиш дунни Дагъустаннал КІушвивуртту дулаврил ва элмулул министерствалул.


Ва дия оьрчІ ччянишавая хияллай ивкІсса смартфон. Бахшиш оьрчІахъхъун дулун тапшур бувну бия Цуссалакрал КІушвивуртту дулаврил управлениялул хъун-

мур Светлана Кудаевин. Кьурбан барчагу увну, ванил чІа увкунни гъар мудангу оьрчІал хияллу бартлагаву. Кьурбаннулгу махъ буллунни ххуйну дуклан.

## СВО-лий жанну дуллуминнал оьрчІру барча бунни

Цусса шинал дайдихъулий Цуссалакрал райондалул бакІчи МаматІи ХІамзатовлул барча бунни хасьсса аьралий операциялий жанну дуллусса кьучагьтурал оьрчІру.

Барча баву хъунни «Цусса шин гъарица кьатлувун» тІисса акциялул лагрулий. «Защитники Отечества» тІисса фондрал Цуссалакрал райондалиясса координатор Оьмар Оьмаевлул райондалиясагу, Цуминалийсагу шяравалла-вусса 15-нния ливчусса оьрчІан буллунни нахІу-нацІу дусса кьуртту.



## ЦІушинал бахшишру дунни



ЦІушинал байрандалул гъантрай, Гъамияциял шярваллил бакІчи ХІабибулагъ Рашидовлул тапшур бувну, шяравусса ва Цуминалий ялапар хъанахъисса оьрчІан дунни бахшишру. Бахшишру дунни хасьсса аьралий операциялул гурттучитурал оьрчІан (78 оьрчІ) ва оьрмулул 14 шинавун биянинисса мушакъатсса оьрчІан (15 оьрчІ).

Шярваллил администрациялул зузалтрал шарда-шардайн диян дунни бахшишру, барча бунни оьрчІру райондалул ва шярваллил бакІчитурал цІания.

Гъанчуналгу барчаллагъ увкунни цала оьрчІах дурсса аякьалух.

## Мисидугу мурадрин бивунни



«Хиялал елка» акциялул лагрулий Цуссалакрал райондалул бакІчинал хъиривчу Макьсуд ХІамидовлул мурадрин биян бунни Цуминалийсса Чапаево шяравасса Мисиду.

Гъашину Дякьил ТаттачІансса цала хияллу бусласисса чагъарду чивчуссар нину-ппу бакъасса, цІулу-сагъшиврул ссуссукуьсса, ахІвал кюласса кулпатиргтавас-

са оьрчІал, мукуьма хасьсса аьралий операциялул гурттучитурал оьрчІал. Макьсудлул бахшиш дунни Мисидун планшет ва нахІу-нацІу дусса кьуцури.

## «ОьрчІал хияллу бартлаган аьркинссар»



Цуссалакрал райондалул бакІчинал хъиривчу Арсен Гъазиевлул лирккунни «Хиялал елкалия» Цуссаккуллал шяравасса 13 шинавусса Зубайрижатлул цила хиял чивчусса открытка.

Ванал бахшиш дунни Зубайри-

жатлун хъунмасса хІаллай ялугълай бивкІсса планшет.

– ЦІушинал оьрчІал циняв хияллу чара бакъа бартлаган аьркинссар, – тІий ур Арсен.

Лажин хІадур дурссар  
Анриана АБДУЛЛАЕВАЛ



## Ккуллал райондалия

## Ххари бунни цикссагу оьрчІру

Цусса шин хьунадакьла-кьисса шадлугьру кІицІ ларгунни Ккуллал райондалий-гу. Чюлу бувсса елкалул лагма лавгсса оьрчІан хІадур дурну дия Дякьил Ттатта ва Марххаладуш хІаласса тяхьасса концертрал программа.

Цусса шинашал жямат барча бунни Ккуллал райондалул администрациялул бакІчи Шамил Рамазановлул.

Шиккува бусан, Шамил Рамазанов ва Райондалул мажлисрал председатель Гьази Оьма-



ров гьуртту хьунни «Елка желаний» тІисса шалагу Аьрасатна-вусса оьрчІру ххари буван дуллалисса акциялувух.

Елкалийн лавхьун бия оьрчІал хияллу бартлаган бансса конвертру. Акциялул ларгулий ххари бунни цикссагу оьрчІру.

Мукунна школардай хьунни, «Подарок детям» тІисса хасьсса аьралий операциялул гьурттуци-турал оьрчІан бахшишру дуллалисса цаймигу акцияртту.

Имара САИДОВА

## Шанна медаль цал архІал дуллунни

Шиндайхьулул гьантрай буттал шяравун, Цалчинмур ЦувкІрав, иян увкІсса, СВО байбивхьуния шийнай Ватандалул мурадру буручла-чисса АьбурахІман ХІажиев ва ванашал ЦувкІуллал шяраваллил хьунама Ильдаров МахІаммадрасулгу Ккуллал райондалул бакІчи Шамил Рамазановлул бусраврай кьамул бунни.

Ванал райондалийн аьлтту буккан бувкІсса СВО-лул гьурт-тучитурал хьунаакьинсса хІарачатту бувай мудан, кьулагьасгу дувай. Ва ххуллухь райондалул хьунаманал бувсунни цал архІал 3 медаль аьра-личунахьхьун дуллалисса иш асар хьунсса ва пахрулулнсса бушиву. «Чувшиврул пар бусса медальду АьбурахІман ХІажиевлул хьазамрал улттуй хьуссар. Барчаллагь вин чувшиврухлу, АьбурахІман!» – увкунни Шамил Рамазановлул. АьбурахІманнул хьазамрайсса медальлавун цІана ххи хьуссар



«За отвагу» (Аьрасатнал президент Владимир Путиннул указ-райн бунну), «За боевые отличия» ва «За воинскую доблесть» (Аьрасатнал Минобороналул указрайн бунну). «Жува жулва вирттаврая пахрулий буссару ва жушава шаймур бувантІиссар вайннал кулпатирттан, цивп-

па аякьалийн лавсун бушиву чІалачІи буван», – увкунни Шамил Рамазановлул. Вара кьини Цалчинмур ЦувкІуллал шко-лаллий укуна бусравну хьунаав-кьунни АьбурахІман школалул коллективрал, дуклаки оьрчІал ва шяраваллил жяматрал.

ПатІимат РАМАЗАНОВА

## Цуссалакрал райондалия

## Укунссар жула вирттал

Цуссакуллал шяравасса Руслан Рамазанов, хасьсса аьра-лий операциялий Ватандалул мурадру буручлачаврицІун, архІала кумаг буллау ур Донецкалал ва Луганскалал Республи-кардал аьгулданунгу.



Цала доходрал хьунмур бутла ванал харж буллау ур Луганскал-лал медициналул учреждениярт-тан, гуманитар кумаграсал ва

лагай оьрчІал интернатирттайн ва кумаг бай ахІвал кЮюласса кулпатирттан. Цусса шинал Русланнул сакин бунни музыка-

лул школалул дуклаки оьрчІан байрандалул мажлис. Чун най ухьурчагу, ва дачІрасса карун-нишал кьалагай.

Уттигьанну, чІявусса оьрчІру бусса цуппалусса хьамитайпа-лун кумаг аьркин багьлай бу-шиву бавну, Руслан лавгун ур оьрчІан янна-ка, игрушкартту ва нащІу-кьащІу ларсун. Кулпатра-ву бур 6 оьрчІ, миннава 3 - хьу-ни бан бувцусса.

Вайва гьантрай Луганскал-лал Республикалийсса ца азар-ханалийн ванал бивну бур аьркинсса даруртту ва кьашай-шалтран кьулайшиву дусса кро-ватьру.

ДакІнин бутан, 1999-ку ши-нал, Цуссалакрал райондалийн боевиктал ххяхьсса чІумал, 19 шинавусса Руслан буттал шя-равалул дуручлай ивкІссар. Та ппурттуву жагьилан боевик-турал кьютІІ бувсса ярагь, лья-кьуну, цамур кІанттурдай лавив-тун бивкІссар. Сант дирияйхту, ополчентурахьхьун буллуссар.

ЦІанагу ва нигь-ццах дакьа аьралий бигарду бартбигьлай, шавурду дирми ххассал буллау ур, архІала Донбасуллал ва Но-вороссиянал халкьуннангу ку-маг буллау.

Андрiana АьДУЛЛАЕВА

## «Илчилул» календарь

## Ва нюжмардий бувссар:

\*\*\*

Январь зурул 1-нний 1960 шинал увссар Дагьусттаннал хал-кьуннал артист, Лакрал театрланул хьунама режиссер Аслан МахІаммадов.

\*\*\*

Январь зурул 1-нний 1934 шинал увссар РСФСР-нул халкьун-нал учитель ХІасан АхІмадов.

\*\*\*

Январь зурул 1-нний 1954 шинал увссар музыкант, пианист Хан Баширов.

\*\*\*

Январь зурул 2-нний 1948 шинал увссар жяматийсса ва по-литикийсса ишккакку Рапи Абакаров.

\*\*\*

Январь зурул 2-нний 1935 шинал бувссар Аьрасатнал кЮлушиву дулаврил хІурмат бусса зузала, хьхьичІунсса педагог Гуржигьан Кьараева.

\*\*\*

Январь зурул 3-нний 1961 шинал увссар Аьрасатнал ПаччахІлугьрал Думалул депутат Ризван Кьурбанов.

\*\*\*

Январь зурул 3-нний 1946 шинал увссар педагог, шаэр Да-нияз Магьдиев.

\*\*\*

Январь зурул 5-нний 1946 шинал увссар ДР-лул Верховный судрал судья, юрист элмурдал кандидат Бутта Увайсов.

\*\*\*

Январь зурул 11-нний 1972 шинал увссар АьФ-лул Виричу Халид Мурачуев.

\*\*\*

Январь зурул 11-нний 1959 шинал увссар Лакрал агьали ЦІуссаКанттайн бизан баврил начальник МахІаммадхІажи Айдиев.



АЬРАСАТНАЛ  
ЯРАГЬБУ  
ГУЖИРДАВУ  
КЬУЛЛУГЬ БУВА!

службапоконтракту.рф

Контрактрайну аьралуннаву  
кьуллугь буллан кьамул  
буллау бур

Контракт чирчусса республикалул ялапарлувтуран дулай-ссар 1 млн кьуруш цалархІал:

500 000 кьуруш – Дагьусттан Республикалул чулухату;

400 000 кьуруш – федерал бюджетравату (гьашину августрал 1-нния 31-ннийнин контракт чирчуминнан);

100 000 кьурушраяр кьачансса – шагьурдал ва районнал чулухату.

Контрактникнал харж – 210 азарда кьуруш зуруй.

Аьралуннаву кьуллугь буллан язи бугьайсса кІанттурду зий бур жула циняв шагьурдай ва районнай.

Дагьусттаннай мукунсса кІану: 8(989) 484- 69- 95

ДР-лул Военкомат: 8(8722) 68-16-08



# 2025 шинал Лакку би

## ЯНВАРЬ

ПН	ВТ	СР	ЧТ	ПТ	СБ	ВС
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

## ФЕВРАЛЬ

ПН	ВТ	СР	ЧТ	ПТ	СБ	ВС
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28		

## МАЙ

ПН	ВТ	СР	ЧТ	ПТ	СБ	ВС
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

## ИЮНЬ

ПН	ВТ	СР	ЧТ	ПТ	СБ	ВС
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

## СЕНТЯБРЬ

ПН	ВТ	СР	ЧТ	ПТ	СБ	ВС
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

## ОКТАБРЬ

ПН	ВТ	СР	ЧТ	ПТ	СБ	ВС
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		



# Лаят тлутайх бичиннав!

## МАРТ

ПН	ВТ	СР	ЧТ	ПТ	СБ	ВС
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

## АПРЕЛЬ

ПН	ВТ	СР	ЧТ	ПТ	СБ	ВС
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

## ИЮЛЬ

ПН	ВТ	СР	ЧТ	ПТ	СБ	ВС
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

## АВГУСТ

ПН	ВТ	СР	ЧТ	ПТ	СБ	ВС
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31


## НОЯБРЬ

ПН	ВТ	СР	ЧТ	ПТ	СБ	ВС
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

## ДЕКАБРЬ

ПН	ВТ	СР	ЧТ	ПТ	СБ	ВС
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				





Ахмат Къадиров

Ахмат увну ур 1934-ку шинал январьданул 15-нний Лакрал райондалийсса НицДавКуллал шяраву. Оьрмулул 9 шинавусса оьрч 1944-ку шинал шярава бизан баврил иширттал бара хьуну ур. Тай Чунну тачлаву дакния лаглай дакъар тий буслай ур цувагу.

– Бачин бувну бивкIру 4-5 къатлун ца аьравагу дуллуну, бахьта. Ганий ци буза бишинсия. Жул дия 2-3 зивулийсса къатри. Кивусса къай-къуйгу дуний къариртун, бувкIсару. Гьумуча Шургаьун иянин, шяикансса клану бакъа, аьравалттичIун лавчIун най уссияв. Шилун бувкIун мукаьгу, арнил кIанттай вардиш бакъасса инсантал, баргъ лачIлай, малярия, дизентерия дирну, литIлай бавчуна. Жу ца ниттил канихун багъсса 3 ятин бивкIру. Шаймур дуллай, ниттишал колхозрал давурттайн занай бикIайссияв. Та заманнул оьрчIан кунма, жунгу мюршинийва захIматрал къадру кIул хьуссар.

Вайннал кулпат шярава бизан бувну нанисса чIумал, ппу Бабаяюртуллал райондалийсса къутаннайн командировкалий гьан увну ивкIун ур. Махьунай зана хьуну, Хасаврайн ивсса чIумал, гиччава увцуну, армиялийн гьан увну ур. Тания шийнай ппу ятIа-тIар бакъа акъа хьуну ур.

Нину, РахIимат, колхозраву зий диркIун дур. Кулпатраву ивкIун ур 3 арс. Ахмат хьунама ивкIун ур. Тай захIматсса шиннардий ниттища бювхьуну бур 3-гу арс ххаллилсса тарбиягу дуллуну, дуккину бувну, чивун буккан бан.

Ахматдул 10 класс къуртал бувну бур Шуссалакрал райондалийсса Шуссалакрал шяравусса школа-интернатрай. Шикку дуклакисса чIумал учительтал бивкIун бур техникалул элмурдал чулухунай итхьивхьсса жагилнахь физика ва математика куртIну лахьхьийсса визирдавун уххансса маслихат буллай. Ахматдул тIурча, язи бувгьуну бур Навтлил ва газрал мяьданнал ахтаршиннардал вуз. Та ппурттуву сийлий диркIун дур навтлил ва газрал промышленностьрал давуртту.

Ахматдул 1957-ку шинал АГрозный шаьрулий М.Д. Миллионшиковлул цанийсса Навтлил институтраву лархьхьуну дур инженернал касму. Жагилсса пишакар гьан увну ур Изербаш шаьрулийсса навтлил ахтаршиннарду дайсса конторалий инженерну зун. Шичча байбивхьуну бур ванал захIматрал ххуллугу. Ца шинай зий ивкIун ур бурильщикнал кумагчину, яла бурильщикну, буровой мастерну, 1961-ку шинай - парторганизаци-

## Юбилейран хасну

## Яргну бвтсса оьрмулул ххуллу

Вай гьантрай 90 шинал юбилей кIицI лаглай ур навтлил ва газрал отрасилулу биялсса опыт ва куртIсса кIулшивуртту дусса, чIярусса шиннардий Дагъусттаннал «Дагбургеотермия», «Бургазгеотерм» ДАО-лул управлениялул хьунаманал къуллугърай зий ивкIсса, газрал промышленностьрал лайкъ хьусса зузала, ХIажиналарс Ахмат Къадиров. Бусравсса даражалийн иянин Ахматдул бивтун бур бигъа бакъасса ххуллу.



Ахмат кулпат Патиматлуцал



ялул тархьансса секретарьну. Бурильщикну зузисса чIумал ванан хьунмасса кумаг хьуну бур мяьданнал ахтаршиннардал даврил хIалкъазия лахьхьинсса.

Ахмат оьрмулухун барчаллагърай ур, та чIумал конторалул директорну ивкIсса, гьунар бусса инженер, ххаллилсса лаккучу (аьпа баннав цал) Ибрагьим Гунашевлуин.

– Институт къуртал бувсса жагилсса пишакартуравух гьан увссара Изербаш шаьрулийсса бурениялул технический отделданул инженерну. Гунашевлул, ттухгу урувгун, увкуна: «Вин конторалулу шяикан пайда бакъассар, отрасилулул пишарду лахьхьиншиврул, бурильщикну зун аьркинссара», – куну. Танал насихатру ттун оьрмулул мяьнамурадну хьуссар.

Навтлил мяьданну ахтар буллалисса 1962-1964 шиннардий, ванал каялувшиннаралу тIивтIуну дур Ачи-Сулийсса ва Шамхал-Булакрайсса газрал месторожденяртту, Къаякантуллал райондалийсса Гаша тIисса шяравалия арх бакъасса зунттуй навтлил фонтан. Шиккусса давуртту къур-

тал дайхту, Ахматдуин вихшала бувну бур бурениялул хьунама инженернал къуллугъ.

1970-ку шинал Ахмат тIалав увну ур Дагъусттаннал республикалий цуну тIиртIусса Ухсавнил Къавказулла Аьршарава нанисса гьилишиву ишла давриха ва бурениялуха зузисса промысловый управлениялул хьунама инженерну зун.

Ахматдул бусаврийн бувну, та ппурттуву Къизляр шаьрулул хьунмур бутIа ва 1-мур МахIачкъалаливсса къатри гьили дуллай бивкIун бур аьршарава нанисса, 105% кIиришиврул дусса геотермал шинай. МуницIун бавхIуну, тIабиаьтрал газ ва навт экономика хьанай бивкIссар ва агьалинангу коммунал хIалихшиннардахьса багъа чIаланну чансса бивкIссар.

Совет Союзрал билаят ливсса ппурттуву хьунмасса шавши бивну бур навтлил ва газрал промышленностьрайн. Вайнналмур предприятиялул бакIрачIангу захIматсса кьинирду дуркIун дур. Шиннардий мутталий ахтаршиннарду дурсса скважинартту лакьин багьну бур,

дарцIуну дур сайки цинярда буровой давурттугу. Тай шиннардий Ахматдуин Американава ва цаймигу кIанттурдая оьвтIий бивкIун бур геотермиялул промышленностьраву зун.

Къадировлуин 1984-ку шинал вихшала бувну бур Дагъусттаннал «Дагбургеотермиялул» къуй дуккаву, скважинарттал строительстводу даврил ва аьршарава нанисса термал шин ишла даврил управлениялул хьунаманал къуллугъ. Ванал хIарачатрайну тIиртIуну дур Ставропольлал ва Краснодардал крайрайсса геотермиялул производствалул подразделениеартту. ЧIун наниссаксса кIантту-кIанттурдайгу тIиртIуну дур цивппа заллусса управлениеартту. Цала даву куртIну кIулсса, опыт бусса каялувчина шала оьрму хас бувну бур Дагъусттаннал навтлил промышленность ва Ухсавнил Къавказнавусса геотермал энергетика ишла даву хьхьичIуннай даврин.

«Дагбургеотермиялул» управлениялий каялувшиву дуллалисса хIаллай, тIиртIуну ва зузи дурну дур Къизлардал, Терна-

нефтяник», «Газрал промышленностьрал отличник», «Газрал промышленностьрал лайкъ хьусса зузала». Студент шиннардий-ва лайкъ хьуну ур «За отвагу» медалданун.

Ванал 1997-ку шинал цала къуллугъ тапшур бувну бур жагилсса никирайн. Опыт бусса каялувчи ва тIалавшинна дусса насихатчи Ахмат Къадиров управлениялия гьан итансса чара къабивкIун бур. Пенсиялийн увкун махьгу ва «Геотермнефтегаз» управлениялул хьунама геологну ивтун ур.

ХIакьинугу тIалавну бур ХIакьини ларгсса отрасилравусса ванал опыт. Къадировлуин оьвтIинма бур ДГПИ-рал навтлил ва газрал факультетрал студенттурахь лекцияртту ккалан. Ва рязину акъар визирдавусса кIулшивуртту дулаврил даража лайкъсса куцуйсса бакъашиврия.

– Жул заманнай оьрчIру техникалул визирдавун кIункIу тIун бикIайва. Ххуйсса стипендиягу бикIайва. КIулшивурттал кьимат бусса чIун дия. На дуклакисса чIумал гьарца курс къуртал байхту практикалий гьан байвав. Му дакъаьхурчан, кIулшивуртту дулун захIматссар. ХIакьинусса институтирттаву танийсса техникумарттаву дулайсса кIулшивуртту дуллай бакъар. Замана ци-бухьурчангу, гьарица инсан цува усса кланай, цала къуллугъралгу, инсаншиврулгу буржлажин кIялану бартигълай, халкъуннан мюнпатну зун аьркинссар, – тий ур ва.

Ахмат Къадировлул оьрмулул ва захIматрал биографиялия чивчуну бур «Лучшие люди» тIисса, агьалинал оьрмулулу хьунисса хьхьичIуннайшивуртту дурсса инсантураясса дуняллул халкъуннал энциклопедиялулу.

Хьуну дур Ахматдул оьрмулулу пашмансса кьинирдугу. Дунялия лавгун бур 60-нния лирчусса шиннардий чачIу оьрму бутлай бивкIсса ванал кулпат ПатIимат. Ва Изербашлив гьан увсса ппурттуву, ПатIиматту ласнашал бивкIун бур. МахIачкъалалив бивкIун махь вагу 50-хъайсса шиннардий зий бивкIун бур Республикалул хьунмур азарханалул гастроэнтерологиялул отделениялул хьунмурну. Вайннал дянив хьуну бур 3 оьрчI. Цакъсса бур кулпатраву бивзсса тарбиялул гьану. ОьрчIаягу цала-цала давурттай бусравсса, ххаллилсса пишакартал хьуну бур. Ибрагьим зий ур ДР-лул ХIукуматрал Машлул ва промышленностьрал палаталулу. Наидая, ниттил пища язи бувгьуну, хIакьин хьуну бур. Чивима арс Камил Пенсионный фондрай зий ур. «Мировой дедушка» тий, цIанихгу улай, ишин-итан клану бакъа, ххирасса ур Ахмат оьрчIал оьрчIангу.

Вай гьантрай Ахмат Къадиров кIицI лаглай ур инсаншиврий, яхI-къириятрай бвтсса оьрмулул 90 шинал юбилей.

Барчагу улай, чIа тий буру хIурмат лавайсса Ахмат ХIажиевичIун цуллушиву, оьрчIал ва миннал наслулул ххари улай итаннав.

Имара САИДОВА



Та-бухурчангу, лакрал миллат машгурди элму дурккусса, за кIулсса инсантурайну, хьин-хьинсса пишакартурайну. Лакраву чIявур элмурдал кандидатгтал ва докторгал. Вай гьантрай укун-миннал сияхIрай ца ца ттигу ххи хьунни. Декабрьданул 12-ний Москавлив элмурдал кандидатшиврийнсса диссертация дурурчунни МахIачкьалаллал клиникалул азарханалул хьунама хIакин, Ккуллал шярвасса Аьлиев АхIмад Кьурбаннул арснал.

Жула аьлимтал

## Тухумраву цалчин



АхIмад Аьлиев цалва элмийсса каялувчитурашал

Ванал элмийсса даврин цагу дур «Оптимизация медико-социальной помощи и реабилитации пациентов старших возрастных групп с синдромом гипомобильности» тIисса. Ва даву АхIмадлул дурурчунни И.М. Сеченовлул цIанийсса Москавуллал паччахIлугьрал цалчинсса медициналул университетраву. Ванал элмийсса каялувчиталну бивкIссар РАН-лул академик, медициналул элмурдал доктор, профессор Пузин Сергей Никифорович ва медициналул элмурдал доктор, доцент Владимирова Оксана Николаевна.

Увну ур АхIмад Шуссалакрал райондалий ШуссачIуртгациял шярву Ккуллал райондалийсса Ккуллал шярвасса Кьурбаннул ва Шуйшял шярвасса Светлана кулпатраву.

1990-ку шинал вайннал кулпат бивзун бур Ставрополлал крайрайн, Нефтекумский райондалийсса МахIмуд-Мектеб шярвун. АхIмадлул шикку кьуртал бивну бур дянивмур даражалул школа. Увхун ур Ставрополлал паччахIлугьрал медициналул университетравун. Вагу кьуртал бивну, захIматрал ххуллу байбихьуну бур Ставрополлал улкулл № 1 психиатриялул азарханалий хIакин-психиатрун зий. АхIмадлул агьулданый ваннинин медиктал кьабивкIун ур, ва хьанай ур ва ххуллу язи бивгьусса цалчинма. Ва ххуллу язи бугьаврийну АхIмадлул цала ниттил, Светлана, ччянивасса хиял шаллу бивну бур – цанияца арсна хIакин хьуну ччива тIисса. Ванал цалвагу школалий дуклакисса чIумалва бивкIун бур хIакин хьунсса хиял. 2009-ку шинал зана хьуну ур тарихийсса ватандалийн. Зун ивкIун ур Республикалул психоневрологический диспансерданул отделениялул заведующийну. 2015-ку ши-

2023 шинал АхIмад Аьлиевлул дулуну дур «Шуллу-сагьшиву дуруччаврил лайкь хьусса зузала» ца ва «Аьрасатнал бусравсса гражданин» тIисса жяматийсса орден.

ная шийнай АхIмад каялувшиву дуллау ур «Южный окружной медицинский центр» ФГБУ-лул МахIачкьалаллал клиникалул азарханалий (инсантураву «Портовская больница» тIий кIулсса).

Бувсса захIматрахлу лайкь хьуну ур личIи-личIисса наградартган: 2018-ку шинал – Дагьусттаннал халкьуннал цIаний бувсса захIматрахлу ванан дулуну дур «Дагьусттаннал халкьуннал виричу» тIисса ца; 2019-ку шинал – «Отличник здравоохранения» лшан.

2023 шинал АхIмад Кьурбановичлул дулуну дур «Шуллу-сагьшиву дуруччаврил лайкь хьусса зузала» ца ва «Аьрасатнал бусравсса гражданин» тIисса жяматийсса орден.

Уттигьанну лавайсса даражалый дурурччусса медициналул элмурдал кандидатнал цагу барча тIий, чIа тIий буру АхIмад Кьурбановичлул цу-цусса бюхттулшивурттайн лахьансса цахьусса цулулу-сагьшиву, гьавас, кулпатраву нахIушиву.


«Илчи» кказитрал номердава-сса цания-цанний дикIантIиссар АхIмад Кьурбановичлулшасса интервью.

**Бадрижамал АЬЛИЕВА**

Бусравминная

## ЯхI-намусрай оьрму бвтсса кулпат

2024 шинал Аьрасатнаву баян бувсса Кулпатрал шинан хасну, ттун дакIнин багьунни чIявучин ххуйну кIулсса, эьратну оьрчIру тарбия бувсса, Ваччиял шярвасса МахIаммадхIажи Маккуевхьал кулпатрая бусан.



Асадуллагь ва Жавагьи Маккуевхьал

Ккуллал райондалий цалчин «Нину-виричу» тIисса, бусравсса ца ларсьсса хьамитайпа бивкIун бур ванал нину Жавагьи Маккуева. Гьарицагу инсаннал оьрмулува агьаммур кIану бугьай ниттил. Жавагьи ляличIисса хьамитайпа бивкIун бур. Ванил цила лас Асадуллагьлушл хьуни бивну бур 13 оьрчI. Цуксса сахаватлувсса хьамитайпа бухьунссия ва, тай захIматсса дяввилул шиннардий цилвагу 11 оьрчI бусса, хьунмасса кулпат бунува, нину-ппу бакьа ятинну ливчIисса 2 душ бивцуну, хьунмагу бивну, шаргу булуну бур.

Дявви байбихьусса шинал Асадуллагьлул диркIун дур 36 шин. Хушрай аьрай наниминнавувагу лавгун ур. Шярваллил советрай каялувшиву дансса инсан акьа, даврил сант кIулсса, бюхьубажар бусса Асадуллагь военкоматрая зана ивтун ур.

Ваччиял шярвугу, райондалийгу бусравну ва хIурмакьматрай ивкIсса Асадуллагь тамансса шиннардий зий ивкIссар Ваччиял шярваллил советрал председателъну, Ккуллал райондалул райпорал председателъну. ИвкIссар Сталиннул цIанийсса «Конституция» тIисса артельданул хьунама бухгалтернугу.

1928-1930-ку шиннардий Асадуллагьлул хьунмасса захIмат бивхьуссар райондалийсса агьалинан буккин-чичин лахьхьин буллай. 1935-1937-ку шиннардий зий ивкIссар Ккуллал райондалул райпорал завскладну.

ТIайла бавцIусса, нитти-буттайн икрамрайсса хьуну бур вайннал оьрчIругу. Нитти-буттал ва оьрчIал дянивсса арарду нахIухIалимсса, циньявнан эьратрансса диркIун дур. Мюрщину бунува куннах кув ччаву дуну тарбия бувсса оьрчIру хIакинусса кьинигу каннал ца бивгьуну ялапар хьанай бур.

Гьай-гьай, нитти-буттан хьуннасса хьар лахьан багьну бур оьрчIан лайкьсса тарбия дулун, оьрмулул ххуллийн бичин.

– Жула оьрмулува агьамсса кIану бивгьусса инсантал дуньяллий бакьанугу, ми тачIав дакIния кьабуккайссар ва гьарица бивзсса

шаттираву жушала архIал буссар, хаснува нину-ппу. Ппу мудар даврил кьайгьурду хьхьичIун лавсун икIайва, пенсиялийн укканца цалвагу отпуск лавсун, игьалавгьсса чIун дакIний дакьар. Дяввилул шиннардий хьиннува захIматну бикIайва кулпат дуки-хIачиялул, лахху-ликкулул дузал бан. Дявви байбихьусса шинал хьунмур ссин, Зубайдатлул, дурагу 10 шин дия, чIанма-чIивимур ссин ца шин дия. Кулпатраву дяввилул шиннардий бивна ялагу 2 оьрчI.

Я ниттил, я бутла ичIурасса давуртту хьаннилли ягу арамтуралли кьаучайва, бавкьуну дуллан бикIайва. Ппу чIарумур чIумал давурттайх кьатIу-шав икIайва, оьрчIру тарбия баву ниттихун дагьайва, – тIий ур МахIаммадхIажи.

Маккуевхьал кулпатраву нитти-буттал чулухунмайсса хIурмат-кьимат мударгу лавайсса бивкIссар. Нитти-буттал бивхьусса тарбиялул гьану цахьусса хьуну бур. Вайннал кулпатрава 10-ннал ларсун дур лавайсса даражалул кIулшивуртту. ХIакинусса кьинигу вай зий бур бусравсса пишардай.

МахIаммадхIажи Маккуевлул шала оьрму оьрчIан кIулшиву дулаврин ва тарбия баврин хас бивну бур. Ванал 30 шин дурну дур МахIачкьалаллал 22-мур школалул директорну зий. Шикку зузисса хIаллай ванал цайнна дурсса вихшала давурттайну цахь дурну дур. ЧIирисса чIумул мутгалий школалул кьатригу цIу дуккан дурну, чIарусса хьин чулиннайсса дахханашивурттугу дурну дур. Шанма сменалий зий бивкIсса школа бвтун бур ца сменалийн, ТIивтIуну бур дарсирдансса кабинетру. Республикалий цалчин вайннал дихьлан бивкIун бур дарсру 5 кьини. ШколалийнучIаннингу МахIаммадхIажи ивкIун ур Дагьусттаннал паччахIлугьрал педагогикалул институтраву ингилис мазрал дарсру дихьлай. МахIаммадхIажинал дур «ДР-лул лайкь хьусса учитель», «Аьрасатнал кIулшивуртту дулаврил отличник» тIисса царду. Ва хьанай ур Республикалул педагогикалул захIматрал ветерантурал ва



МахIаммадхIажи Маккуев

насихIатчитурал советрал председателъ. ХIакинусса кьинигу тIалавну бур ванал оьрмулул ва пишалул авадансса опыт.

Хьунма-хьунмур ссу Зубайдат райком комсомолданий зий бивкIун бур. Зумрат, Москавлив Кульгуралул институтгу кьуртал бивну, зий бивкIун бур райондалул библиотекалалул хьунмурну. Саманият, Дагьусттаннал медициналул институтгу кьуртал бивну, 50-хьул шиннардий зий бивкIун бур МахIачкьалаллал Муххал ххуллул азарханалий. Хьунама уссил Макьсудлул бивкIуну бур Дагьусттаннал паччахIлугьрал университетрал физикалул факультет, зий ивкIун ур Кьизилюртуллул райондалийсса школардай. Макьсуд Дагьусттаннал мединститутраву 40-нния лирчусса шиннардий дарсру дихьлай ивкIун ур. Гулжанат, Медучилищагу бивкIуну, 40-нния лирчусса шиннардий зий бивкIун бур МахIачкьалаллал роддомрай. МахIаммад Стоматологиялул поликлиникалул хьунама хIакиннал хьиривчуну зий ивкIун ур. Асият, Шярваллил хозяйствалул институтгу кьуртал бивну, экономистнал пишалий зий бивкIун бур. Рамазан, Мединститутгу кьуртал бивну, ккарччал хIакинну, медучилищалулу дарсру дихьлай ивкIун ур. ХIамзат, Дагьусттаннал паччахIлугьрал университетрал математикалул факультетгу кьуртал бивну, МахIачкьалалив Автодорожный колледжраву дарсру дихьлай ивкIун ур.

– Кьянатсса шартIирдай оьрму бутлай бивкIсса жула нину-ппу ттун вирттавраха лашай, – тIий, тай чIунну дакIнин дичлай ур МахIаммадхIажи Маккуев.


Ванал цалвагу, лайкьсса тарбиягу дулуну, чивун буккан бивну бур 5 оьрчI. ХIакинусса кьини ванал оьрчIру цивппа зузисса давурттай бусравсса, ххаллилсса пишакартал бур. Шиккува бусан, МахIаммадхIажинал сакин дурну дур Маккуевхьал авладрал 7 никирайсса нясав.

Мийжаннугу, бигьану кьабивкIссар хIукуматрал чулухасса цукунчIавсса ка-кумаг бакьа, хьхьуния кьини дурну, хьурнай, лухчай зий, ятту-гьаттара ябуллай, ичIаллилссагу бивну, колхозраву зий, оьрчIру хьуни буллан. Дявви кьуртал хьусса, экономика хьхьара дурксса чIумал кулпатирттансса, оьрчIансса хIаллихшиннарду дансса каша кьадиркIссар хIукуматрахь.


Укун захIматсса кьинирду чувшиврий лархьссар жула нитти-буттал, уссур-ссунал. Бюхьай буккултран пикри багьан, та ппурттуву захIматшивуртту духIлахIисса кулпатру цикссагу бивкIссар тIисса. Гьай-гьай, диркIссар кьянатсса чIуннугу, цикссагу кулпатирттан багьссар духIан чIарусса захIматшивурттугу.

**Имара САИДОВА**





Адабиятлар  
лаҳин



МАЗЯЙХЪАЛ КАЗБЕК

## Буттал улклубъ

Салам вийн, ттул азъисса, иминсса Лакку улчай! Къамул ува на, къурталссарча ттул архсса ссапарду. Къамул ува на, вила арс, я ттул буттал улчай; аьдатнугу ина вила арсуру зана къахъанай, къамул ува на. Я мукъай шовшусса ттул буттал улчай, къамул дува утти вай ттулми макъгу, вича рутайсса макъгума нацусса дурча. Була, ттул буттал улчай, була ина ва ттул заэвсса чурххакъун гуж ва къуват, дула ина ттул цалий къадарцусса, вас-щах тисса дакнинхъун бюхттулсса тавпикъ, рути ттувун ччаву; дуллуссарча ина вила циксагу арсурваран, дула ттухъунгу вила чувшиву, я ттул буттал улчай, Лакку Биляят!



## Зунттал Нину


Ттула ниттин – Нину

Къурукъи. Марххалтанул кяла дурса Маччайннал дара. Тик бивкисса зунттул бурхлайх ларай, кусса шалагу мукъах риршуну, най дур бавкку-шавккусса, нигъачисса жегъирххуллийх лухисса ян-налувусса зунттал нину, най дур...

Я нину, я зунттал нину! Та ликкан даннакъай ина му кусса гиву вила бурхлай, ттигу къачунссарив вин дигъалаган, цуксса халлай дачинна ина му ахир дакъасса жегъирххуллийх ларай? Та лякъинна ина винна рахатну шядикансса мина?.. Я нину, ина ттвуса захматран лайкъсса балай жу ттигу къачичардухха, вин ца кусса гайкал жу ттигу чувчав дацан къадардухха... Я нину, вай жула зунттал хъач-бакру дярххуну ларгун дурхха, вай-

Юбилейран хасну

# Насрулийсса Назмурду



ш. КЪЯН

гу вил хасратрал мукъал дярххуну ларгивав? Вай жула гъандарав мариян-макъ тисса ттутив хъунадакъайхха, вайгу вил кйирисса мукъал кунтгай хярххунавав? Я зунттал нину, чув лякъавкъай ина муксса заэвсса жандалий му гуж, чув лякъавкъай му цаък, му къувват? Я нину, буссаривкъай вила наклищал инава жун буллусса мазраву виламур чувшиву кйицдан бюхъайсса махъругу, жуша ми махъру ттинин лякъин къабювхъуннихха, буссарив мукунсса махъру жула мазраву, я зунттал нину?..

Къурукъи. Марххалтанул кяла дурса Маччайннал дара. Най дур ттул хъхичи, кусса шалагу мукъах риршуну, лухисса ян-налувусса зунттал нину, най дур. Най ура нагу кянил хъирив, гъалакн дакгу риршлай, най ура. Най ура ниттил хъирив баклавай, баклавай...

## Чахлул щютлуххи

*Нувча чарил хъархъаллай  
Хъинну дакъай банавша,  
Ттул Чахлул щютлуххуллив  
Гъалъга ттутли дай ттутлив,  
Ттутлив гъай-гъайтти дурну,  
Балай ттутли дай уртту.*

Агъ, ттул Чахлул щютлуххий, бачу, уча ца балай, мякьну дурча ва ттул дакми вил хикматсса чурдах. Бунугу ттул дакнива къавхъ тий хасратрал щати,

ина, Чахлул щютлуххий, нани да вивату-ра вити-тирхсса макъанну, экинани да халлих дюхлу куннасса никру, лалавсун ттул дакнива яла марцими асарду.

Нажагъ бухурча ттуву оьлукъусса асарду, ина гай лицан бити, вила чу щялу къахъун, нажагъ ттуву бухурча бйакълакисса пикриду, ина гай бацан бити, хлакьмур цалий бацаннин; журажура хъанахисса жагвил на акъахъукун, жула жагъаласса чурдал шил дакри ххари дайсса?

Агъ, ттул Чахлул щютлуххий, ялагу вихъ ца миннат: мадара хъис къулагъас ттул мюрш-кюршсса къайгъурдах. Агар духурча ттуву чйавчин хасъсса дардру, анжагъ му чумал ина лаласи гай ттувату, бюхъайссарча вил чунил даиман хъахъимагу чансса хъхичун уруган ан, бюхъайссарча вил чунил даиман пашманмагу чансса рахат уккан ан.

## Кйачла хъунни къурду

Кйачла хъунни къурду, гъав ларгунни ссав. Алвагъ барзунтталгу бургунни ябак. Лавгунни Лаккуя циняв «дачникитал». Цинцал дуцин дурну Маччайннал дара, пахъ багъунни марчгу, паракъат хъунни.

Най бур, аьтгий, къиблалийнмай къуркьру, най бур хъхьирийн, къавхъа тий,

75  
ШИН

шарашивгу, лерххун, най дур варианттул гъамардугу, най дур лерххун чунниврагу къакулну.

Хъуннар хъусса ттул Чаххувшар Таигу шядиркун дур, шанул кйик тий, ларзулу. Ттарацувсса къамурдаху уруглай, нагу ура жула ччарнил пикридай...

Дакнингу багъунни ттула Чахлул щютлуххи хар-хавар бакъа. Канил къабувгуну цуксагу халли, дакниывагу бакъар чув бивхъуссарив. Ккаккайривав Чахлул щютлуххунгу мак? Учичнуча: бивкун ца пяду оьрватти, шихъва шархъу тий.

## Ттун ччива

Ттун ччива жува кйягу ца архсса, къюкисса зунттал шяраву, шарашул шиннир марцисса гъава бусса жула буттахъал миналий. Ччива жула цувцу чарил къатригу, бюхттулсса ларзугу. Ччива жула ца ахъулссаннул багъгу. Ччива га багъраву ина ттутив дугълай: хъюрухъ багъсса гундарахлай, оьттул рангсса хъункултутив, ттунгъасса банавшаттутив.

Ччива ттун ялагу виха ва ттухавалавхъусса чйавсса оьрчругу. Ччива навагу вишал архлай жула оьрчру тарбия буллай, жула багъраха къуллугъ буллай, ччива авлий занай, цулун занай. Ччива жулла хъуннар хъусса нинугу буслай гайнахъ виргтаврал гъунардая, жула буттахъал оьрмурдая.

Яла-яла ттун ччива, лахъисса кйинтил хъхурдай гйилисса тавлухгу шяивкун, вила ва ттула ччаврия ца аьжайвсса къисса чичин. Ччива га къиссагу Лайли-Мажнунул къисса кунма, га чивчусса ттула цагу шинчав къакулну, жула иминса ччаврий инсантал махатталгу хъанай, хайрангу хъанай. Ттун укун ччива, яла ттун цичав къаччива.

## Хйави

Ттул буттал шяравалу Къян дуссар хъхичлух ратгу нанисса ца хъун бакъасса баклуй. Кйа шарнил къабакраву кйигу буссар, Хйажил-Къун тий, ца хъунмасса къун. Кйанил ччавругу буссар ца бюхттулсса хйави. Ца авурну ччалачи дайха кйа хйавилул жул шяравалу. Къужрал бусласаврийн бувну, кйа хйавилул ттуршлихъийсса шинну хъуну дур. Цикулли ци дугърисса, ци дак марцисса, ци ххуйшиву ххирасса адаминал бившуну бивкиссарив.

Бакъасса кйану бакъар жул чйирисса шярава бивкисса инсантал, гай бур Москавлигу, Ташкантигу, Кивалийгу. Бур цимигу шинай цала буттал шяравун къабувкиссагу, бур бучанмагу дакний бакъассагу. Нажагъ вай шагъ-рурдайн нава лавни, на жула шяраватусса инсантурачан икъавну къаиклара. Мякьну биклай гайгу цала буттал шяравалиясса хавардах вичи дишин, цу ур, цу акъар тий, цухху-бусурду буллан биклай. Амма гъарзадрар хъхичи гайнал ттухъ цуххай ца тьяхану: «Кйа жула хйавигу кйиккува бурив?» – куну.

Амма мурхъ вай махъсса шиннардий къаълай байбихъуну бур. Цаппара шиннардивун шала къавкунгу гъанссар. На








мурхъ къакълай бур кувкун, шагърудайса жул къян, ваца инсан ивкунни кусса хавар бувсни кунма, пашман шай.

– Вагъ! Яр, кIа къакълай къахъинахха, – учай гайннал, цакуну гъавгу лавгун.

## Авгъуст

Жу, ца ххюя инсан, чIаххувсса шярава жижаралия най буссияв: га шяраву жун кIулсса шарссанил ца акъа-акъасса арс ивкуну ия. Бия авгъуст зурул цалчинми гъантри. ЛачIа биявай бия, хъа ттихлай байбивхуну бия. Гъавагу тIутIаих бивчусса ттуккул цил ва суврарал тухъсса къункьал бувцуну бия. Хъиннура тIаанну дия гъаннагъу ришлашисса шарашал щинал дюхлул кьанкьгу.



Литинститутраву дуклакисса чIун



Кияха: Х.Илиясов, К.Мазаев, Р.Башаев, К.ХIусайнаева, Р.МахIаммадова

Жу, ххуллу кутIа бан, га шяраваллил багъравух хъуссияв. Мурхъру бивсса гъивчул, къакандалул, цIулитул, лахI-лахI тIий, бувцуну бия. Так-тук хъунабакъай-ва ттигу битгун бувасса бялилул мурхъругу. Авгъуст зуруй бяъли – вагу зунтгал тIабиаьтран хасъсса ца аьлаамат. Шадну мурхъирдая мурхъирдайну лехлай, лелухантгу ца байкъалитIайсса жангъа бивхуну бия, хъацIру ва цитIикултгу цала бурулданул чагъантту бившуну бия.

ТIаанну бия га дюхлулсса багъраву, тIаанну бия гай жула жяматрал инсантурашал, жула шяраваллил лугъатрайгу гъалгъа тIий, иминсса Лакку кIантул жегъир ххулурдайхгу най, пашмансса шугълурду бакIраву балглан. ДакIния буклай бакъая ниттил арснахасса зума-лул махъругу:

*Бюхттул зунтту левкъун,  
Арду дурцIунни,  
Ттул дакI гъюжу дурккун,  
Хханхха бувцIунни.*

Бия авгъуст зурул цалчинми гъантри. ЛачIа биявай бия, хъа ттихлай байбивхуну бия.

## КъавтIий бур циган душ

*Колокольчики звенят,  
Барабанчики гремят,*

*А люди-то люди –  
Ой лошеньки-люди!  
А люди-то люди  
На цыганочку глядят.*

Пушкин

Синттугу руца-руцари дуллай, бившуну бур гитара. Канихъсса ччергъилтал пирпиллу ва гюнгутIивгу зяр-зятIи бувну, гюргутIи бувну бур хъаннигу балай. Дазу-зума дакъа дакI цунцIутIи дул-



Адабиятрал  
лажсин

лалисса, аьвзалзамана кунма, цIансса таборданул балай.

КъавтIий бур циган душ...

Цал хIаллих, ца ухътансса пашманшиврушал, яла анаварну, оьрчIи-кIурисса, къачIа-къачIа хъанакъисса гъартасса гъухъул жигурдугу ца исвагъину цила чурххашал къавтIи бувну, хъацIругу зурзутIи дурну, хъазамрайсса яхагу чIявукIулну зяр-зятIи бувну, авлахърайх бившусса ссутнил марч кунма, къавтIилул буцилий къавтIий бур.

КъавтIий бур циган душ...

Циванни ва циганнал балайлул ттул дакI вакссара укун цIюрукъин дуллалисса, циванни ва къавтIаврилгу на ваксса-ва укун гъалак уккан уллалисса? Тамаша буллалими ялу-ялун ххари хъанай, тяхъа буклакийни, циванни ттулмур дакI, ялу-ялун пашман хъанай, цIунцIу тIисса?

КъавтIий бур циган душ...

Ттул дакI ваксса цIунцIу тIисса, цIунцIугу тIий, хъювсул дуклакисса, циган хъаннил хорданува лакрал балайлул леххаврил чIу баллай тIийрив? Ттул дакI вакса пашмансса, пашман хъанай, гъалак дуклакисса, циган душнил къавтIавриву лакрал ссапалул буши чIалай тIийрив? Жула буттахъал балайрдуня, къумасса ратIаву ляхъусса буну тIий, къумасса бухъунсар, илкинсса чуллай, майдан авлахъирттай загъир хъусса циганнал балайрдун жулами балайрдал хIасратгу чату дуркIривав?

КъавтIий бур циган душ...

Дунял уттарассар, оьрму абадссар тIий, зяр-зяр тIий дур ччергъилтту. Агъ, оьрму панассар, пананугу ххаллилссар тIий, лахIахъа бивхуну зума тIий бур хор. КъурукIинтил замгъар кунма, ссинкь бахчуну бур гитара.

## Га къини

–Ва дуняллийн дагъсса пахъдагъру! Ва ци аьлааматривавли? – тIий бия инсантал га тамашасса авгъуст зурул къини, махIаттал хъанай.

Аьршарай рухI зумувсса цичIардагу къалирчIсса хханссия. ЧачIав баллай бакъая я лелуххантрал, я ушу-шулгилул цукунчIавсса чIукIа-чIитI. Няй-няй тIий баргъгу кIири бувну бия, га кIиришиврул гъавава бавцIуну нанисса хханссия. Циняв инсантуралгу, вичIивгу даршуну, чурхру кIу хъуну бия. Цирив ца иш хъуну бия га къини дуняллий.

Ца хIалатраву цакуну ца азгъунсса марч бившуну, цакуну шала ссавгу лухIира-лухIисса ттуруллал дургъуна. Лухччи-ссав зурзутIи дурну, къув-аьс тIун диркIуна, итгату чани ласун буллалисса цIупарду цаннийх ца ришлан диркIуна.

– Ахирзаман бизлазиссарив, ва ци мусиватри? – тIий, хIалли-къурувсса халкъгу шаппа-шаппай ливхъун бавчуна.

Цакуну марчгу паракъат хъуна, ссавниясса лехха-личIавугу лагъ хъуна. Цакуну парш бивхуну къяпрай марххалагу буллан бивкIуна. КIий, Лукка-Зунттул нуххардиву, зунтгал авдалтуралгу ца яс тIивтIуна.

Дустал, га къини шаэр ивкуну ия.







ИТНИ, 13 ЯНВАРЬ
05.00 «Утро России».
09.00 Новости.
09.20 «Молитвы приговор».

23.00 «Большая игра». (16+).
00.00 Новогодняя ночь на Первом.
«30 лет вместе». (16+).

23.00 «Большая игра». (16+).
00.00 Д/ф «Максим Дунаевский. Я никогда не жил по расчету».

21.00 «Время».
22.00 Т/с «Арбатские тайны».
21.00 «Время».

18.30 «Информационный канал».
19.50 «Путь говорят». (16+).

18.40 «Человек и закон». (16+).
19.45 Телеигра «Поле чудес».

21.35 «Сегодня вечером». (16+).
23.35 Х/ф «Треугольник печали».

РОССИЯ 1

ИТНИ, 13 ЯНВАРЬ
05.00 «Утро России».
07.35-07.41 Вести-Дагестан
08.07-08.10 Вести-Дагестан

ТТАЛАТ, 14 ЯНВАРЬ
05.00 «Утро России».
07.35-07.41 Вести-Дагестан
08.07-08.10 Вести-Дагестан

АРВАХИ, 15 ЯНВАРЬ
05.00 «Утро России».
07.35-07.41 Вести-Дагестан
08.07-08.10 Вести-Дагестан

ХАМИС, 16 ЯНВАРЬ
05.00 «Утро России».
07.35-07.41 Вести-Дагестан
08.07-08.10 Вести-Дагестан

НЮЖМАР, 17 ЯНВАРЬ
05.00 «Утро России».
07.35-07.41 Вести-Дагестан
08.07-08.10 Вести-Дагестан

АЛХИАТ, 19 ЯНВАРЬ
05.00 «Утро России. Суббота».
08.00 СУББОТА.
08.35 «По секрету всему свету».

03.55 Анастасия Самылова, Иван
Лопинов, Елена Подкамин-
скаяи Федо Лавров в фильме
«На выдохе». [16+]



ИТНИ, 13 ЯНВАРЬ
07.00 Время новостей Дагестана.
Итоги
08.00 Мультфильмы (0+)

04.50 Д/д «Дикие и стильные»
«Субкультуры» (16+)
05.15 Т/с «Академия» 7с. (16+)

АРВАХИ, 15 ЯНВАРЬ
07.00 Время новостей Дагестана
07.20 Передача на лакском языке
«Аьриши ва агьлу» (12+)

08.00 Мультфильмы (0+)
08.30 «Арт-клуб» (0+)
08.50 Т/с «Синия роза» 1с. (16+)

«Костюмы-трансформеры»
(16+)
05.15 Т/с «Академия» 13с. (16+)

«Халк ва заман» (12+)
04.55 Д/д «Дикие и стильные»
«Броня» (16+)

«Вахтар ва инсанар» (12+)
04.55 «Спортивный голден» с Осу-
пом Омаровым (12+)



ИТНИ, 13 ЯНВАРЬ
04.35 Т/с «Морские дьяволы. Смерч.
Судьба». (16+).

ТТАЛАТ, 14 ЯНВАРЬ
04.35 Т/с «Морские дьяволы. Смерч.
Судьба». (16+).

АРВАХИ, 15 ЯНВАРЬ
04.35 Т/с «Морские дьяволы. Смерч.
Судьба». (16+).

ХАМИС, 16 ЯНВАРЬ
04.35 Т/с «Морские дьяволы. Смерч.
Судьба». (16+).

Судьба». (16+).
06.10 Т/с «Морские дьяволы. Смерч.
Судьба». (16+).

Судьба». (16+).
06.20 «Жизнь меня». (12+).

Судьба». (16+).
06.30 «Центральное телевидение».
(16+).



## Аьралитал барча бунни

Цусса шинал байран хасьсса аьралий операциялий гуртту хьанахьисса аьралитурохь барчагу дурну, ххуйсса кумаггу биян бувну увкунни МахIачкьала шагьрудул 49-мур школадул директор Абдулкарим Айгунов.



Абдулкарим МахIачкьала шагьрудул мэр Юсуп Умавовлушал ва ванал хьиривчу Эмилия Раджабовашал



Шиккува кIицI лаган, кутIа-сса чIумул мутталай Абдулкаримлул шамилчинни аьралитуран кумаг буллалисса. Цала чулухасса кумаг бунни ванал Луганскаллал Халкьуннал Республикалий, Курский ва Белгородский областирдай аьралий буржру бартбигьлагьисса «Каспий» тIисса Дагьустаннал добровольчествалул цалчинсса батальондалул аьралитуран.

АьралитурачIан ачин хьхичI, Абдулкарим хьунаавкьунни МахIачкьала шагьрудул мэр Юсуп Умавовлушал. Бувсунни цува уттигу аьралитуран дуки-хIачIия, газрай лахьайсса мюршисса пачру, газрал баллонну, чIиллу, рацияртту, гьиллисса янна, усру, медикаментру, захIматсса шартIирдай аьркин дагьайсса кьай-кьуй ва дуклаки оьрчIал чивчусса чагьарду лав-

сун най ушиву.

Аьралитурал ххарину хьунаавкьунни ссайгьатиртташал увкIсса, цахава аякьалийсса Абдулкарим.

«Каспий» батальондалул командир, полковник Жамал Илиясовлул цанма ка-кумаг баврихлу Барчаллагьрал чагьар буллунни Абдулкарим Айгуновлул. КIицI лавгунни Дагьустаннал агьали аьралитурал чIарав бацIлай бушиву. Бувкунни дуклаки оьрчIал чивчусса чагьарду.

Абдулкариннул, аьралитурал дакI дансса ихтилатту бувну, цIувххунни ссах мюхтажну буссарив ва барчаллагь увкунни цала хьхичI бивхьусса аьралий бигарду лайкьсса даражалий бартбигьлагьаврихлу.

Имара САИДОВА

Ларгсса шинал Дагьустаннал ЦУР-данийн (Центр управления регионом) дуркIун дур 98,6 азарунния лирчусса лабизавуртту. Ми хьанай дур 2023-ку шинал дуркIминнуяр 10 азарда ххишаласса. ДукIу дагьустанлуvtурал хьунмур буруккин бивкIун бур энергетикалулмур – 41 азарда лабизаву, ЖКХ-лул – 14,7 азарда, ххулурдал хIакьираву – 5,5 азарда, цIинциал бакIурдал, ТКО-лул – 5 азарда, дузалшиндарал – 4 азарда лабизаву.

## Сайки 100 азарда лабизаву дуркIун дур

Цинявннайр чIарусса лабизавуртту соцсетирдаву чирчуну дур МахIачкьалаллал ялапарлуvtурал сайки 60 азарда, Каспийскаллал – 6,3 азарда, Дарбантуллал – сайки 4 азарда.

Властьрал органнал ялапарлуvtурал суаллахьхун жа-

вабру дуллуну дур дянивну 2 ссят ва 38 минутIрал мутталай. 400 суалданул хIакьиравусса бувчIин бавуртту дурну дур 30 тIайланнасса эфирдануву. Хьуннасса кьулагьас дурну дур тIайла бакьасса информациярттах.

ХIасан АБДИЛОВ

## Гьунарданун ва хIарачатран лайкьсса кьимат бивщунни

Уттигьанну Москвавив «Россия» тIисса национал центрданий хьунни «Твой ход – 2024» тIисса Аьрасатнал студентьтурал форумрал хIасиллу дуллалисса шадлугьрал даражалийсса мажлис. Форумрай гуртту хьунни билаятрал 89 региондалиясса 400-нния ливчусса вузирдавасса 2500 студент.

Ванил сиптачитал ва сакиншинначитал хьунни «Росмолодежь», Аьрасатнал КIулшивуртту дулаврил министерство, Аьрасатнал Жагьилтурал союз, «Россия – страна возможностей» президентнал платформа, «Больше, чем путешествие» тIисса Аьрасатнал жагьилтурал программа. ХIасиллу дуллалисса мажлисрай гуртту хьунни АьФ-лул Президентнал Администрациялул каялувчинал цалчинма хьиривчу Сергей Кириенко. Шикку хьхичIунсса кIанттурду бувгьусса студентьтурал призран буллунни ца-ца миллион.

Форумрай хьхичIунсса кIану бувгьунни Дагьустаннал паччахIлугьрал медициналул университетрал 4-мур курсрал студент, ЦIуссалакрал райондалиясса Даниял Шабановлул. Конкурсрай ванал ккаккан дунни «Вейпы или здоровье нации?» тIисса элмийсса проект. Конкурсерал дайдихьу дурссар январьданул 25-нний. Даниял, вузраву хьхичIунну дуклакаврищIун, медициналул элмийсса ахттаршиннардулу дуллалисса студент ур.

Шамилчинмур курсрай Даниялул фармакологиялул кафедралул хьунмур Зульфия МахIаммадовашал жагьилтурал цIуллу-сагьшиврун электрон журалул кьалиян учавриясса заралая элмийсса макьала чирчуну дур.

– «Твой ход – 2024» тIисса Аьрасатнал студентьтурал дянивсса конкурсерин элмийсса ахттаршиннардал проектругу кьамул дуллалишиву кIул шайхту, пикири хьуна ттуламур проектту гьарта-гьарзагу дурну, ду-



Даниял Шабановл

лун. Проектрал лагрулий, вузрал студентьтурал дянив электрон кьалиян (вейп) учайсса дурив, дакьарив, миннуя цукунсса зарал буссарив цIухху-бусу бувссия. Мукунмасса цIухху-бусу бувссия, жула билаятрайсса хьхичIунсса вузирдал бакьассагу, Донецкалал, Луганскалал Халкьуннал Республикакардайсса, Запорожскалал ва Херсонскалал областьтирдайсса вузирдал студентьтурахь. Му бакьассагу, проектрал лагрулий ДГМУлул волонтертурашал Ххувшаврил байрандалун хасну дурссия «Россия за здоровый образ жизни» тIисса, цIуллу-сагьшиву дурччаву мурадрайсса квест ва спортрал акция, хьхирил зуманив зарядка дуллалисса, кьинилун 10 000 ша ласласисса квест, – буслай ур Даниял.

Проектрал лагрулий Даниял гуртту хьуну ур майрал 26-нний ДГМУ-луву хьусса Щала-

гу Аьрасатнал жагьилсса аьлмьтурал дянивсса элмийсса конференциялий. Шиккугу вейпирдая ва муниципун бавхIуну цIуллу-сагьшиврун биллалисса заралая бусласисса ванал элмийсса ахттаршиннарал лавайсса кьимат бивщуну бур.

Дагьустаннал жагьилтурал цIуллу-сагьшиву дурччаву мурадрай, педиатриялул факультетран 55 шин шаврин хасну, Даниялул цала командалушал дуклаки оьрчIан ва студентьтурал медициналул цалчинсса кумаг бан лахьхьин буллалисса форум бувну бур. Ва форумрай гуртту хьуну бур 150 дуклаки оьрчI, 150 нину-ппу, 50 медициналул пишкакар ва 50-нния ливчусса ДГМУ-рал преподавательтал.

АьФ-лул ПаччахIлугьрал Ду малул депутат Султан ХIамзаевлул барча унни лавайсса даражалул форумрай ххув хьусса Даниял, кIицI лавгунни укунсса жагьилтурал чIарав ацIан мудан хIадурну ушиву.

ДакIнин бутанну, 11-мур клас-сраву дуклакисса ппурттуву Даниялул, 2020-ку шинал, «Большая перемена» тIисса шалвагу Аьрасатнал конкурсерай 1-мур кIану бувгьуну бивкIшиву. Ванан ва конкурсерайгу призран миллион буллуссар.

Гьай-гьай, бувчIлай бур хьхичI бивхьусса мурадрайн ияншиврул хьунмасса захIмат бишин аьркиншиву. Даниялул исват бунни ччан бикIарчан, захIматрайнугу, хIарачатрайнугу ччимур лахьазан лахьан бюхьантIишиву.

Жула лаккуоьрчIал бюхттулсса ххувшавуртту барча дуллай, уттиния тийнмайгу ххарину мунал ккаккьярттагу буслан хIадурссару. ТIайлабацIу баннав, миллатрал ца-кьини бюхттул дансса арс укканнав!

Имара САИДОВА

## КIинтнил пробег «ДАГРУН – 2025»

Январьданул 7-нний МахIачкьалаллал ва Каспийскаллал кучардавул бувккун бур тамансса инсантал: 400-ннаха ливчусса инсантал гуртту хьанахьисса «ДАГРУН- 2025» цIанилусса кIинтнил забеграй тамашалий.

Вайннавацца чIявуми спор-тсментурал футболкардай дур Буттал КIанттул цIанийсса Хьун дяввийил Ххувшаву ларсун 80 шин шаврил, Аьрасатнал бивкIу бакьасса полкрал ва цаймигу лишанну. Амма забеграл вирдакIну хьунни ихIсандарал бутIа. Забеграл гурттучитурал Тооба платформалийхчил дартIунни кьа-

шайшалт хьин баврин харж дувансса 200 азарда кьуруш.

«КIинтнил пробег – укунмасса спорттрайгу хьунмасса ишри. Ва хьинсса давурттал цIаний лагма лагавур, хьхичIуннайшивурттайн кIункIу шавур, ччимур аралуву ххувшавурттайнсса ххуллур. Жу пахрулий буру жулла командалул ва гурттучитурал ва забег яргсса



ишну ва кумаграх мюхтажминнал чIарав бацIаврил эбрат шаврия», – кунни «ДАГРУМ» клубрал каялувчи Хаид Жьпаровлул.

ХIасан АБДИЛОВ



# Мушакъатсса оьрчIачIа хъамалу

ЦIусса шинал хъунин Дагъусттаннал культуралул министр Зарема Буттаева бивунни «Забота» цIанилусса школа-интернатрайн. Ванишал архIал мушакъатсса оьрчIру ялун на- нисса байрандалушал барча бу- ван ва вайннан бахшишру дулун увкIун ия Дагъусттаннал Респу- бликалул Халкъуннал Мажлис- рал Культуралул, жагьилтурал иширттал, спортрал ва туриз- малул комитетрал председатель Мурат Пайзуллаевгу.



рданул ккаккан дурна «Ново- годние приключения лесных зверей» программа. ОьрчIачIан

хъамалу бувкIун бия Дякъил Ттатта, Марххаладуш, БарцI, ЦулчIа ва магъравасса цаймигу



персонажу.

«Забота» школа-интернатрал директор Ума Качалова ва махъ- сса шалвагу коллектив хъун- масса барчаллагърай бия Заре- ма Буттаевайн, Мурат Пайзул- лаевлуйн ва Ссихърал театрда- нул творчествалул командалийн оьрчIах дурсса къулагъасрахлу.

**Бадрижамал АБЛИЕВА**

# Палестиннал оьрчIан — нацIу-къацIулул къуцуртту



ЦIусса шинал байрандалу- лугъантрай Марияннул 80 оьрчIансса нацIу-къацIулул къу- цуртту биян бунни. Ва хъинсса акциялуву гуртту хъунни ва- нил ссурвал Шикаят ва Жумагу, «Дарачилул» активисткахъул- гу. «Палестиннал оьрчIан цивп- па гурбатрай бушиву хъамаби- тан бансса ци хIарачат буллар-

**М**оскавлисса Дагъусттаннал Культуралул центрданул пре- зидиумрал член, Мариян Илиясовал цIанийсса «Дараччи» фондрал Москавлимур фондрал хъунмур Мариян Къаландаро- ва ччя-ччяни бияй «Дельфин» тIисса лагерьданийсса Палестин- навасса лихъачалтрачIан, вайннан аьркинмур, дуки-хIачIия диян дуван.

чагу, республикалул хъунимин- нал бикIу, дакIру ххуйсса инсан- турал бикIу, тайннал дакIурдива

ватандалуцIа шаврил къюву къа- дукканссар, къадуккантIишиву чIалайгу бур. Жун дакIру къу-

масса оьрчIан байрандалул лахIзавагу пишкаш буван ччай бия. Къини дурксса Палестин- нал агъалинангу, СВО-лий гурт- ту хъанахъиминнангу, хъанахъ- иминнал кулпатирттангу кумаг буван ччими гъарза хъуннав. Барчаллагърай бура мудан чя- лишну хIала буххайминнайн, ка- кумаг аьркиншиву чIалай, тийн- майну бацIан къашайминнай. Гульшан Хасаева бакIчину «Дарачилул» душругу ка кIидахIин анавар буккай, ттунмагу къини дурксса агълу рязи буван ччан бикIай», – тIий бур Мариян.

Юсуп тIисса оьрчI барчал- лагърай ия нацIу-къацIулул къу- цурттаву Израильналсса дакъа тIий. Палестиннал Лихъачал- трал кулпатиртталсса буллалисса комитетрал каялувчигу бар- чаллагърай ия цалва оьрчIал дакIурдивун ххаришиву дуртсса ссайгъатиртталаш бучIаврихлу.



«Дельфин» лагерьданий Ма- риянгу, ванишал бучIаймигу ци- нявннан кIулли. Марияннун цин- магу лихъачалтрал оьрмурдая, цуманан циксса ккаккессарив, щил бакIрачIан ци бувкIессарив кIулли. Щин-бунугу кумаг аьр- кин багъсса чIумал Мариян- нуйн баян байсса бур, ва цуп- пагу баян баннин къабавцIуну бияй вайнначIан. «Лихъачал- трал ялун къабивну цахъис чIун чIарах дуккарча, дакI паракъат дакъа дикIай», – тIий бур.

**Патимат РАМАЗАНОВА**

## МАХIАЧКЪАЛА

## Гъавалул тагъар

## ГЪУМУЧИ



Газета «Илчи» (Вестник)

Учредитель: Агентство информации и печати Республики Дагестан

Издатель: ГБУ РД «Этномедиахолдинг «Дагестан»

Хъунама: Юсупов А.Гъ. Тел.: 65-00-25

Хъунама редактор:

Къардашов Р. Аь.

Хъунама редакторнал хъиривма:

Башаев Р.М.

Жаваб дулайсса секретарь:

Исмяилова С.Р.

Редколлегия:

Адамов АбдурахIман

МахIаммадович

Абдуллаев Сапарбаг Аьлиевич

Аьлиев ХIажи Сулайманович

Исрапилов Артур Анварович

КъурбанмахIаммадов Чанкура Рама-

занович

Маммаев Сулайман

Нураттинович

МахIаммадов Юсуп ХIамидович

Хаппалаев Аслан Юсупович

Хасаева Гульшан Рамазановна

ХIажимирзаев Зиябуттин

Абусупиянович

Шалласуев Шалласу Рамазанович

Эльдарова Роза ХIажиевна

Отделал редактортал:

Абдуллаева А. П.

Аьдилов ХI. А.

Рамазанова П. ХI.

Тахакъаева З. К.

Корреспондентътал:

АбдурахIманова З. Т.

Аьлиева Б. Д.

Саидова И. А.

Корректор:

АхIмадова А.И.

Кказитрал компьютерданул цех:

Абакарова К. Н.

ХIажиева З. У.

Кказитрай дурксса макъаларттаву

кIицI лавгмур тIайлашивул жаваб

дулайссар чивчуманал.

Редакция макъалалул залуннал пикри-

лий рязину бакъахъурчагу, макъала

рищайссар, жяматрал цаламур пикри

бусанссар тIисса ниятрай. Кказитрайн

дуркIсса макъаларттайн рецензия къа-

чичайссар ва ми залуннахъхъун зана

къадайссар.

Кказит индекс. П7046

Тираж – 1643 экз.

Адрес редакции и издателя:

367018, г. Махачкала,

пр-т Насрутдинова, 1а

e-mail: ilchi@etnomediadag.ru

http://ilchi.info

Тел./факс. 66-00-59

Газета «Илчи» зарегистрирована

Управлением Федеральной службы

по надзору в сфере связи, инфор-

мационных технологий и массовых

коммуникаций по РД .

Рег. ПИ № ТУ 05-00424

от 30.04.2019

Газета «Илчи» отпечатана

в типографии ООО «Издательство

«Лотос».


367018, РД г. Махачкала,

Пр-т Насрутдинова, 1а

Срок подписания в печать 19.00.

Подписано 19.00.

Цена 10 руб.



4 651116 280051